



^ 16  
2758  
8.



3228  
8

李太白文集卷之

卷之

古近體詩共二十三首

南陽送客

小酒初過一醉高寸心真不志定以故人為

子陽新酒為芳身難思故情知手書三兩紙

歸來不覺已三秋

送友人入京

門 八 16  
號 2758  
卷 8

李太白文集卷之十六

昭十六年一月十一日寄  
尼野貴英氏贈

錢塘 王琦琢崖輯註

趙樹元石堂較

古近體詩共二十一首

南陽送客

斗酒勿為一作與薄寸心貴不忘坐惜故人去偏令遊

子傷離顏怨芳草春思結垂楊揮手再三別臨岐空

斷腸古詩斗酒相娛樂聊厚不為薄謝朓詩坐惜紅

也別粧變劉鑠詩揮手從此辭張銑註揮手舉手辭

送張舍人之江東

張翰江東去正值秋風時天清一作晴一鴈遠海闊孤

帆遲白日行欲暮滄波杳難期一作白日行已晚欲暮杳難期吳洲

如一作好見月千里幸相思晉書張翰為大司馬東曹掾因見秋風起乃思吳中

菰菜蓴羹鱸魚膾曰人生貴得適意何能羈患數千

里以要名爵乎遂命駕而歸楊素詩千里悲無駕一

見杳難期顏延年詩振楫發吳洲謝莊月賦隔千里今共明月

送王屋山人魏萬還王屋唐詩紀事魏萬後名顛上元初登第始見李白於廣陵白曰爾後必著大名於天下無忘老夫與明月奴因盡出其文命顛集之詳見三十一卷魏

顛序中

王屋山人魏萬云自嵩宋汾吳相訪繆本作送數千里

不遇乘興游台越經永嘉觀謝公石門後於廣陵

相見美其蕭本作而愛文好古浪跡方外因述其行而

贈是詩一作見王屋山人魏萬云自嵩歷兗游梁入吳計程三千里相訪不遇因下江東尋

諸名山往復百越後於廣陵一面遂乘興共過金陵此公愛奇好古獨往物表因述其行李遂有此

作

仙人東方生浩蕩弄雲海沛然乘天遊獨往失所在

一作東方不辭家獨訪紫泥海時人少相逢往往失所在魏侯繼大名本家聊攝

城卷舒入元化一作雜跡與古賢并十三弄文史揮

筆如振綺辯折田巴生心齊魯連子西涉清洛源頗

驚人世喧採秀臥王屋因窺洞天門以上美萬之愛文好古而隱居

王屋之事漢武內傳東方朔一旦乘龍飛去同時衆人見從西北上冉冉仰望良久大霧覆之不知所適

左傳晉侯賜畢萬魏以為大夫卜偃曰畢萬之後必  
 大萬盈數也魏大名也以是始賞天啟之矣又左傳  
 聊攝以東姑尤以西杜預註聊攝齊西界也平原聊  
 城縣東北有攝城路史聊攝故博平是今聊城東北  
 三十里有故攝城或以聊攝為一城誤一統志聊城  
 在東昌府城西北十五里攝城在博平縣西南二十  
 里太平御覽魯連子曰齊之辯士田巴辯於祖邱議  
 於稷下毀五帝罪三王訾五伯離堅白合同異一日  
 而服千人有徐劫者其弟子曰魯連謂徐劫曰臣願  
 得當田子使之不敢復談徐劫言之田巴曰走弟子  
 年十二耳然千里駒也願得侍議於前可乎田巴曰  
 可於是魯連往見曰臣聞堂上之糞不除郊草不芸  
 白矢交前不救流矢何者急者不救緩者非務今楚  
 軍南陽趙伐高唐燕人十萬之眾在聊城而去國  
 亡在旦暮先生將奈何田巴曰無可奈何魯連曰危  
 不能為安亡不能為存則無貴學士矣今臣將罷南  
 陽之師還高唐之兵却聊城之眾所貴談說者為若  
 此也若不能者如先生之言有似臬鳴出聲而人皆  
 惡之願先生勿復談也田巴曰謹受教明日見徐劫  
 曰先生之駒乃飛兔驪裏也豈特千里哉於是杜口

易業終身不復談潘岳藉田賦清洛濁渠引流激水  
 史記正義括地志云洛水出商州洛南縣西冢嶺山  
 東北流入河楚詞采三秀兮山間王逸註三秀謂芝  
 草也元和郡縣志王屋山在河南府王屋縣北十五  
 里周圍一百三十里高三十里尚書禹貢底柱析城  
 至於王屋是也太平寰宇記王屋山在澤州陽城縣  
 南五十里仙經云王屋山有仙宮洞天廣三千里號  
 小有清虛洞天山高八千丈廣數百里太行析山為  
 佐命中條古鐘為輔翼三十六洞小有為群洞之尊  
 四十九山王屋為重山之最實不死之靈鄉真人之  
 洞境也名山洞天福地記王屋洞周謁來遊嵩峰羽  
 圍一萬里名小有清虛之天在東都  
 客何雙雙朝攜月光子暮宿玉女窻鬼谷上窈窕龍  
 潭下奔深東淨汴河水訪我三千里逸興滿吳雲飄  
 飄浙江汜揮手杭越間樟蕭本亭望潮還濤卷海門  
 石雲繆本橫天際山白馬走素車雷奔駭心顏以上  
 作雪

自嵩宋沿吳相訪之事大人賦回車竭來今絕道不  
周通雅竭來猶何來也元和郡縣志嵩高山在河南  
府登封縣北八里亦名方外山東曰太室西曰少室  
嵩高其總名即中岳也山高二十里周圍一百三十  
里藝文類聚仙經云嵩高山東南大巖下石孔方圓  
一丈四方北入五六里有大室高三十餘丈周圍三  
百步自然明燭相見如日月無異中有十六仙人云  
月光童子常在天台時亦往來此中人非有道不得  
望見五色線圖經云嵩山有玉女窻漢武帝於窻中  
見玉女謝絳游嵩山書云進窻玉女窻漢武帝於窻中  
異窻則亡是玉女窻在宋時已無之矣元和郡縣志  
鬼谷在河南府告成縣北五里即六國時鬼谷先生  
所居也一統志鬼谷在河南府登封縣北五里史記  
蘇秦洛陽人師事於齊而習於鬼谷即此史記集解  
徐廣曰潁川陽城有鬼谷對潁潁水出於嵩高靈勝詩自  
註九龍潭在寺側崇崖對潁潁水出於嵩高靈勝詩自  
黑不測一統志龍潭在登封縣東二十五里嵩頂之  
東九潭相接其深莫測登封縣志九龍潭在太室東  
巖山巔有水流下激衝成潭盈坎而出復作一潭共  
有九潭遙相灌輸水色洞黑其深無際崖夢險峻波

濤怒激登臨者至此輒凜然生畏焉有石記戒人游  
龍潭者勿語笑以躡龍神怒則有雷恐毛萇詩傳  
濼水會也說文小水入大水曰濼玉海汴河蓋古萇  
蕩渠也首受黃河水隋開浚以通江淮漕運兼引汴  
水亦曰通濟渠一統志汴河源出滎陽縣大周山合  
東滎須鄭四水東南至中牟縣北入於黃河畢心湯  
錢塘縣志錢塘江在縣之東南本名浙江虞喜云潮  
水投浙江下折而曲一云江有反濤水勢折歸故云  
浙江盧肇曰浙者折也蓋取其潮出海屈折而倒流  
也一名折河山海經云禹治水至於折河又名曲江  
枚乘七發曰觀濤於廣陵之曲江今名錢塘江其源  
發黟縣曲折而東以入於海潮水晝夜再上奔騰衝  
擊聲撼地軸陸機詩願假歸鴻翼翻飛浙江汜揮手  
以手指畫也杭謂杭州餘杭郡古時為越國西境越  
謂越州會稽郡古時為越國都城二郡中隔浙江江  
之北為杭州江之南為越州咸淳臨安志樟亭驛晏  
公輿地志云在錢塘縣舊治之南五里今為浙江亭  
西溪叢語浙江夾岸有山南曰龕北曰赭二山相對  
謂之海門岸狹勢逼湧而為濤枚乘七發觀濤於廣  
陵之曲江其始起也淋淋焉若白鷺之下翔其少進

也浩浩澄澄如素馬白馬帷蓋之張陵 遙聞會稽美

赤岸等扶桑橫奔似雷行。淥音叢 一美一作且度耶溪水萬壑與千巖崢嶸鏡湖裏秀色不

可名清輝滿江城人游月邊去舟在空中行此中久

延佇入剡尋王許笑讀曹娥碑沉吟黃絹語天台連

四明日入向國清五峯轉月色百里行松聲靈溪恣

蕭本作咨泚越華頂殊超忽石梁橫青天側足履半月上以

敘其乘興游台越之事太平寰宇記若耶溪在越州

會稽縣東南二十八里世說顧長康從會稽還入問

山川之美顧云千巖競秀萬壑爭流草木蒙籠其上

若雲興霞蔚施宿會稽志鏡湖在會稽縣東二里故

南湖也一名長湖又名大湖通典云東漢永和五年

太守馬臻始築塘立湖周三百一十里溉田九千餘

頃人獲其利王逸少有云山陰路上行如在鏡中游

鏡湖之得名以此輿地志云山陰南湖縈帶郊郭白

水翠巖互相映發若鏡若圖延佇遷延企望之意楚

辭延佇乎吾將返元和郡縣志剡縣西北去越州一

百八十五里晉書會稽有佳山水名士多居之孫綽

李充許詢支遁等皆以文義冠世並築室東土與王

羲之同好太平寰宇記曹娥碑地志云餘姚有孝女

曹娥父湣濤而死娥年十四號痛入水因抱父屍出

而死縣令度尚德門生耶耶子禮為碑文後蔡邕過

讀碑乃題八字曰黃絹幼婦外孫蓋白此碑今在上

虞縣水濱世號魏武嘗過曹娥碑下楊修從碑背上

見題作黃絹幼婦外孫蓋白八字魏武謂修曰解否

答曰解魏武曰卿未可言待我思之修曰黃絹色絲也於字

乃曰吾已得令修別記所知修曰黃絹色絲也於字為好

為絕幼婦少女也於字為辭所謂絕妙好辭也魏武亦記

之與修同太平寰宇記天台山在台州西一百一十

里臨海記云天台山趨然秀出山有八重視之如一

凡高一萬八千丈周圍八百里有飛泉懸流十仞

似布登真隱訣註云此山在桐柏山後四明山東南

三百里啟蒙記註云天台山去天不遠路經油溪水

深險清冷前有石橋路徑不盈尺長數十丈下臨絕

五

冥之澗惟忘其身然後能躋躋者梯巖壁援蘿葛之  
 莖度得平路見天台山蔚然綺秀列雙嶺於青霄上  
 有瓊樓玉闕天堂碧林醴泉仙物畢具也晉隱士帛  
 道猷得過之獲醴泉紫芝靈藥今石橋名相山又道  
 書所謂玉堂天台山其山入重視之如一中有金庭  
 不死之鄉詩邁與王逸少書云自山陰至臨海多有  
 金庭玉堂仙人芝草也四明山在越州餘姚縣西南  
 一百里會稽記云縣南有四明山高峯軼雲連岫蔽  
 日孫綽天台賦序云涉海則有方丈蓬萊登陸則有  
 四明天台寧波府志四明山發自天台屹峙於郡治  
 之坤隅上有二百八十峰綿亘明越台三州之境為  
 三十六洞天之一九域志景德寺舊名國清寺隋煬  
 帝在藩日為智顛禪師所建唐會昌五年廢大中五  
 年再建柳公權書額時以齊州靈巖荆州玉泉潤州  
 棲霞台州國清為四絕天台山志國清寺在天台縣  
 北十里舊名天台寺昔智者大師初入天台游歷山  
 水宿石橋有一老僧謂之曰仁者若欲造寺山下有  
 皇太子寺基捨以仰給智者曰正如今日草舍尚難  
 當於何時能辨此寺老僧曰今非其時三國成一大  
 勢力人能起此寺寺若成國即滿當呼為國清寺後

將滅時復標杙山下又畫殿堂為圖以作樣式後晉  
 王命司馬王弘依圖造寺高敞秀麗方之釋宮呼為  
 國清寺五峰在國清寺側其峰有五正北曰八桂東  
 北曰靈禽東南曰祥雲西南曰靈芝西北曰映霞前  
 有雙澗合流南注大溪鑿字巖在縣北三里巖上有  
 萬松徑三字相傳昔時由巖至國清寺大松成列今  
 無矣靈溪在縣北十五里福聖觀前今縣東三十里  
 亦有靈溪蓋其名適類也孫綽賦云過靈溪而一濯  
 疏煩想於心胸華頂峰在縣東北六十里乃天台第  
 八重最高處高一萬八千丈周圍一百里少晴多晦  
 夏有積雪中黃金洞石色光明登降魔塔東望滄  
 海瀾漫無際號望海尖可觀日出沒下瞰眾山如  
 龍虎蟠踞旗鼓布列之狀草木薰郁殆非人世天台  
 九峰翠嶺猶如蓮花此為華心之頂故名華頂鮑照  
 詩明澗子沿越飛蘿予縈牽王巾頭陀寺碑文東望  
 平臯千里迢忽呂向註趨忽遠貌側足者言石橋險  
 狹僅可側足而行半脊一作然思永嘉不憚海路賒  
 月喻石橋灣環之狀脊忽然思永嘉不憚海路賒  
 挂席歷海嶠迴瞻赤城霞赤城漸微沒孤嶼前曉兀



水續萬古流亭空千霜月縉雲川谷難石門最可觀

瀑布挂北斗莫窮此水端噴壁灑素雪空濛生晝寒

却思繆本作尋惡溪去寧懼惡溪惡咆哮七十灘水石相

噴薄路創李北海巖開謝康樂一作嶺路始北海巖詩題康樂楊升菴引

此詩作遠尋惡溪去不憚惡溪惡途傳李北海灘聞謝康樂以巖字為誤松風和猿聲搜

索連洞壑徑出一作岸接梅花橋雙溪納歸潮落帆金華

岸赤松若可招沈約八咏樓城西孤岩巉岩崑崙四荒

外曠望群川會雲卷天地繆本作池開波連浙西大亂流

新安口北指巖光瀨釣臺碧雲中逸與蒼嶺繆本作梧對

以上敘其自台州泛海至永嘉徧游縉雲金華諸名勝之事唐之永嘉郡即温州也隸江南東道謝靈運

真隱訣云此山下有洞在三十六小洞天數其山是

賦云赤城霞起以建標瀑布飛流而界道又述異記

云赤城山一峰特高可三百丈丹壁燦日一統志孤

嶼山在温州府城北有東西二峰峰上各有塔薛方

兩峰相峙唐之縉雲郡即處州也隸江南東道太平

寰宇記處州縉雲縣有縉雲山名山記云孤石干雲

高可三百丈黃帝鍊丹於此郡國志云縉雲有瀑布

日照如晴虹風吹如細雨即此山方輿勝覽石門洞

在處州青田縣西七十五里兩峰壁立高數十丈相

對如門因各有瀑布直瀉至天壁凡三百尺自天壁

飛酒至下潭凡四百尺有亭曰噴雪道書載青田山

元鶴洞天仰此薛方山浙江通志處州青田縣有石

石門洞道書所謂元鶴洞天乃三十六洞天中之第三

十也西南高谷有瀑布泉自上潭奔流至天壁三十

餘丈自天壁至下潭四十餘丈舊在榛莽間至劉宋

李太白文集

李太白詩集 卷一  
時永嘉守謝靈運性好奇覽始覓此洞說文濛微雨  
也元和郡縣志處州麗水縣有麗水本名惡溪以其  
湍流咀噉九十里間五十九瀨名爲大惡開皇中改  
爲麗水皇朝因之以爲縣名太平寰宇記惡溪出處  
州麗水縣東北大甕山西南二百一十五里至括州  
城下謝靈運與從弟惠連書云出惡溪至大江水清  
如鏡輿地志云惡溪道間九十里而有五十九瀨兩  
岸連雲高巖壁立諸書皆云五十九灘而此云七十  
灘所未詳也太白自註李公邕昔爲括州刺史開此嶺路  
唐書李邕傳開元二十三年起爲括州刺史後歷淄  
滑二州刺史上計京師出爲汲郡北海太守時稱李  
北海又太白自註惡谿有謝康樂題詩處方輿勝覽  
謝公巖在好溪上亦名康樂巖一統志謝公巖在縉  
雲縣南十里一名康樂巖謝靈運游宴之地王褒洞  
簫賦哀猿悲嘯搜索乎其間李善註搜索往來貌梅  
花橋今無考當在梅花溪之上薛方山浙江通志金  
華縣東石碕巖高十餘丈俯瞰大溪巖下有洞曰梅  
花洞又名梅花溪雙溪在金華縣南一曰東港一曰  
南港東港之源出東陽之大盆山過義烏合衆流西  
行入縣境又合杭慈溪白溪東溪西溪坦溪玉泉溪

赤松溪之水經馬鋪嶺石碕巖下與南港會南港之  
源出縉雲之黃碧山過永康武義入縣境又合松溪  
梅溪之水經屏山西北行與東港會於城下故曰雙  
溪又名灑溪西行受白沙溪桐溪盤溪之水入於蘭  
溪會衢水北折於桐江同新安之水東流於浙江放  
於海元和郡縣志金華山在婺州金華縣北二十里  
赤松子得道處太平寰宇記金華縣有赤松澗赤松  
子游金華山以火自燒而化故山上赤松之祠澗  
自山而出故曰赤松澗薛方山浙江通志金華縣北  
有赤松山相傳黃初平叱石成羊處初平號赤松故  
山以是名後人爲之立祠名赤松宮一統志八咏樓  
在金華府治西南隅舊名京暢樓南齊太守沈約建  
有登臺望秋月會圃臨春風秋至愍衰草寒來悲落  
桐夕行聞夜鶴晨征聽曉鴻解珮去朝市被褐守山  
東八詠詩金華府志南齊隆昌元年沈約以吏部郎  
出爲東陽太守題八咏樓在婺州子城西即沈隱侯京暢  
樓至道間郡守馮伉更今名瑋按自太白詩外崔顥  
有題沈隱侯八咏樓詩及嚴維明月雙溪水清風入  
咏樓之句八咏之名蓋不始於宋矣莊子南溟者天

池也唐六典註浙江水有三源一出歙州一出衢州  
 一出婺州歷睦州越三州界入海薛方山浙江通志  
 新安江一名清溪出徽州自歙經淳安縣界至嚴州  
 府城南合婺港東入浙江富春山在嚴州桐廬縣西  
 三十五里一名嚴陵山清麗奇絕號錦峰繡嶺前臨  
 大江乃漢嚴子陵釣處也人稱為嚴陵瀨有東西二  
 釣臺各高數百丈西征記云自桐君而西群山蜿蜒  
 如兩蛇對走於平野之上三江之水並流於其間驚  
 波間馳秀壁雙峙上有嚴子陵釣臺孤峰特操聳立  
 千仞奔走名利沒塵埃者一過其下清風襲人毛  
 髮豎立使人有遺世獨立之意又西曰七里灘太平  
 寰宇記嚴子陵釣臺在桐廬縣南大江側壇下連七  
 里瀨按東觀漢記云光武與子陵友舊及登位望之  
 陵隱於孤亭山垂釣為業時知天文者奏每日出常  
 有客星同流帝曰嚴子陵耳訪得之陵不受封今郡  
 有臺并壇亦謂嚴陵瀨一統志釣臺在嚴州府城東  
 五十里東西二臺各高數百丈漢嚴子陵垂釣處避  
 暑錄話嚴陵瀨東西二釣臺各在山巔與灘不相及  
 突然石出峰外畧如臺上平可坐數十人因以名耳  
 薛方山浙江通志蒼嶺在台州仙居縣西北九十里

高五千丈周迴八十里界於縉雲重岡復徑隨勢高  
 下其險峭峻絕為東浙之最行者病馬又云處州縉  
 雲縣有栝蒼山一名蒼嶺圖經載十六湖天栝蒼為  
 第十名成德隱真洞天周三百里東跨仙居南控臨  
 海吳錄云栝蒼山登之俯視雷雨高一萬六千丈  
 棠溪赤溪管溪三水分流環遶其下○嶼音序稍  
 稍來吳都徘徊上姑蘇烟縈橫九疑滢蕩一作蕩漭  
 蕩見五湖目極心更遠悲歌但長吁迴櫓楚江濱揮  
 策楊子津身著日本裘昂藏出風塵五月造我語知  
 非佞繆木作儗儗人相逢樂無限水石日在眼徒干五諸  
 侯不致百金產吾友楊子雲絃歌播清芬雖為江寧  
 宰姪與山公群乘興但一行且知我愛君以上敘其  
 廣陵相見之事劉淵林三都賦註吳都者蘇州是也  
 通典蘇州春秋吳國之都也自闔閭後並都於此藝

文類聚吳地記曰吳王闔閭十一年起臺於姑蘇山  
 因山為名西南去國三十五里春夏游焉後夫差復  
 高而飾之越伐吳遂見焚太史公云余登姑蘇望五  
 湖五湖去此臺二十餘里吳地記姑蘇臺在吳縣西  
 南三十五里闔閭造經營九年始成其臺高三百丈  
 望見三百里外作九曲路以登之宋范至能曰與客  
 登蘇臺山頂正平有均堂蘇石可列坐相傳為吳故  
 宮開臺別館其前湖光接松陵獨見孤塔之尖火北  
 點墨一螺為崑山其後西山競秀攢青叢碧與洞庭  
 林屋相宿大約目力踰百里具登高臨遠之勝琦按  
 登姑蘇以望五湖自是實景若九疑遠在湖廣南垂  
 相去數千里豈目力所能及或者疑遠在湖廣南垂  
 耳否則其所望見之山其時亦有冒九疑之名者  
 因指而入咏亦未可定陸羽慧山寺記曰慧山古華  
 山也顧歡吳地記云在吳城西一百里其山有九  
 隴俗謂之九隴山或云九龍山或曰鬪龍山九龍者  
 言山隴之形若蒼虬縹緲合杳然鬪龍者相傳隋大  
 業末山上有龍鬪六日因名此山當太湖之西北  
 隅縈竦四十餘里惟中峰有叢篁灌木餘盡古石嵌  
 崿而巳凡烟嵐所集發於蘿薛今石山橫亘濃翠可

掬周柱史伯陽謂之神山豈虛言哉九疑或是指此  
 耳江南通志五湖在吳郡西南三十餘里禹貢謂之  
 震澤周禮謂之具區左氏謂之笠澤史記謂之五湖  
 今之太湖也其大三萬六千頃東西二百餘里南北  
 一百二十里延袤五百餘里湖中有七十二山跨蘇  
 湖常三州北有百瀆納建康常潤數郡之水南有諸  
 瀆納宣歙臨安苕霅諸溪之水東南巨浸無大於此  
 廣韻橈楫也韻會權之短者吳越人呼為橈江南通  
 志揚子津在揚州府城南十五里一名楊子渡唐高  
 宗永淳間楊子為建康之舊時建康有四津橫江為建康  
 之西津楊子為建康之東津太白自註裴則朝卿所  
 贈日本布為之朝卿事詳見後二十五卷註史記正  
 義倭國武皇后改曰日本國在百濟國隔海依島而  
 居凡百餘小國太平寰宇記倭有名日本自云國在  
 日邊因以為稱蓋憑舊名也陸機周孝侯碑昂藏僚  
 采之上五月雖紀時節亦是暗用披裘公事耳廣韻  
 怡凝不前也儻儻痴貌韻會怡凝固滯貌田汝成曰  
 言人進退不果曰怡凝楊子雲謂楊利物太白有江  
 寧幸楊利物畫贊卽是此人陸機文賦誦先人之清  
 芬世說山季倫為荊州時出酣暢人為之歌曰山公

時一醉徑造高陽池日暮倒載歸酩酊無所知復能  
乘駿馬倒著白接羅舉手問葛疆何如并州兒○橈  
音饒伶儂音戲君來幾何時仙臺應有期東窓綠玉  
義儂儂音貸礙

樹定長三五枝至一作今天壇人當笑爾歸遲我苦

惜遠別茫然使心悲黃河若不斷白首長相思以上敘其

還山而相別也一統志天壇山在懷慶府濟源縣西

一百二十里王屋山北山峯突兀其東曰日精西曰

月華絕頂有石壇名清虛小有洞天且有五色影夜

有仙燈按天壇山即王屋山中之一峰也黃河若不

斷白首長相思此是倒裝句法謂白首相思若黃河之水終無斷絕時耳

金陵調翰林謫仙子

王屋山人魏萬

君抱碧海珠我懷藍田玉各稱希代寶萬里遙相  
燭長卿慕蘭久子猷意已深平生風雲人暗合江

海心去秋忽乘輿命駕來東土謫仙遊梁園愛子

在鄒魯二處一不見拂衣向江東五兩挂淮月扁

舟隨海風南游吳越徧高揖二千石雪上天台山

春逢翰林伯宣父敬項橐一作林宗重黃生一長

復一少相看如弟兄惕然意不盡更逐西南去同

舟入秦淮建業龍盤處楚歌對吳酒借問承恩初

宮買長門賦天迎駟馬車才高世難容道廢可推

命安石重攜妓子房空謝病金陵百萬戶六代帝

王都虎石踞西江鍾山臨北湖湖山信為美王屋

人相待應為岐路多不知歲寒在君遊早晚還勿

久風塵間此別未遠別秋期到仙山後漢書藍田出美玉長安

志藍田山在長安縣東南三十里其山產玉亦名玉山漢書司馬相如字長卿少時名犬子既學慕

藺相如之為人更名相如世說王子猷居山陰夜大雪眠覺開室命酌酒四望皎然忽憶戴安道

即便夜乘小船就之經宿方至造門不前而返人問其故王曰吾本乘興而行興盡而返何必見戴

郭璞江賦覩五兩之動靜李善註許慎淮南子註曰統侯風也楚人謂之五兩漢書范蠡乃乘扁舟

浮江湖孟康註扁舟特舟也唐書貞觀十一年詔尊孔子為宣父史記項橐生七歲為孔子師後漢

書郭林宗少游汝南先過袁闕不宿而退後往從黃憲累日方還或以問林宗林宗曰奉高之器譬

諸泛濫雖清而易挹叔度注若千頃散溢之不

清滄之不濁不可量也方輿勝覽秦淮在元縣南三里始皇時望氣者言金陵有天子氣使朱衣

鑿山為瀆以斷地脉以秦開故曰秦淮或曰淮水發源屈曲不類人丁一統志秦始皇以金陵有都

邑之氣改曰秣陵吳自京口徙都於此改為建業

晉平吳改建業為秣陵尋分秣陵北為建業建興初改為建康漢陳皇后退居長門宮奉黃金百斤

為司馬相如取酒相如為作長門賦詳見四卷註漢書朱買臣拜會稽太守長安廐吏乘駒馬車來

迎買臣遂乘傳去晉書謝安雖放情邱壑然每游賞必以妓女從史記留侯性多病即道引不食穀

杜門不出太平御覽丹陽記曰石頭城吳時悉土塢義熙初始加磚甃因山以爲城因江以爲池地

形險固尤有奇勢故諸葛亮云鍾山龍蟠石城虎踞良有之矣六朝事跡吳孫權於江岸必爭之地

築城名曰石頭常以腹心大臣鎮守之今石城故基乃楊行密稍遷近南夾淮帶江以盡地利其形

勢與長干山連接輿地志云環七里一盡地利其形西五里去臺城九里南抵秦淮口今清涼寺之西

是也諸葛亮論金陵地形云鍾阜龍蟠石城虎踞真帝王之宅正謂此也太平廣記鍾山今江寧東

北蔣山是也江南通志袁武湖在江寧府太平門外一名蔣陵湖晉元帝改名北湖宋武帝改名習

武湖元嘉中因黑龍見改名玄武湖此詩楊蕭本不載今從繆本補錄

送當塗趙少府赴長蘆

唐時有二長蘆一是長蘆縣隸河北道之滄州

一是長蘆鎮在淮南道揚州之六合縣南二十五里陸放翁入蜀記曰發真州過瓜步山望長蘆寺樓塔重覆江面渺瀰無際殊可畏李太白詩云維舟至長蘆日送烟雲高是也則謂是六合之長蘆也

我來揚都市送客迴輕舸因誇楚

繆本作吳

太子便覩廣

陵壽仙尉趙家玉英風凌四豪維舟至長蘆日送烟

雲高搖扇對酒樓持袂把蟹螯前途儻相思登嶽一

長謠

唐書地理志揚州廣陵郡隸淮南道廣韻舸小船也枚乘七發楚太子有疾吳客往問之客曰

將以八月之望與諸侯遠方交游兄弟並往觀壽乎廣陵之曲江陶弘景奏鶴銘丹陽仙尉江陰真宰漢梅福為南昌尉人傳以為仙大稱尉曰仙尉本此漢書以信陵平原孟嘗春申四君為四豪詳見十二卷

世說畢茂世云一手持蟹螯一手持酒杯拍浮酒池中便足了一生趙景真與稽茂齊書昔李叟入秦及闕而嘆梁生適越登岳長謠夫以嘉遁之舉猶懷戀恨况乎不得已者哉李善註老子之嘆不為入秦梁鴻長謠不由適越且復以至郊為及闕升印為登岳斯葢取意而畧文也太白引用取義又異於此可窺古人用事之法

送友人尋越中山水

聞道稽山去偏宜謝客才千巖泉灑落萬壑樹縈迴

東海橫秦望西陵遶越臺湖清霜

許本作雙誤

鏡曉濤白

雪山來八月枚乘筆三吳張翰杯此中多逸興早晚

向天台

晉書夏統傳先公惟寓稽山朝會萬國周書齊憲王傳興稽山之會總盟津之師稱會稽

山為稽山本此鍾嶸詩品錢塘杜明師夜夢東南有人來入其館是夕謝靈運生于會稽旬日而謝元亡

家以子孫難得送靈運於杜治養之十五方還都故  
名客兒世說顧長康從會稽還人問山川之美顧曰  
千巖競秀萬壑爭流鮑照詩千巖盛阻積萬壑勢繁  
迴水經註秦望山在州城正南為眾峰之傑陟境便  
見史記云秦始皇登之以望南海自平地以取山頂  
七里懸磴孤危徑路險絕攀蘿捫葛然後能升山上  
無草木當由地迴多風所致施宿會稽志秦望山在  
會稽縣東南四十里舊經云眾嶺最高者水經註浙  
江又徑固陵城北昔范蠡築城於浙江之濱言可以  
固守謂之固陵今之西陵也有西陵湖亦謂之西城  
湖湖西有湖城山東有夏架山湖水上承妖皐谿而  
下注浙江嘉泰會稽志西陵城在蕭山縣西一十二  
里方輿勝覽西興渡在蕭山縣西十二里木名西陵  
吳越武肅王以非吉語改曰西興述異記勾踐延四  
方之士作臺於外而館之今會稽山有越王臺一統  
志越王臺舊在種山東北越王勾踐登眺之所宋汪  
綱復建在山之西麓太平御覽王羲之云每行山陰  
道上如鏡中遊王獻之望鏡湖澄澈清流瀉注乃云  
山川之美使人應接不暇八月枚乘筆用七發中八  
月觀濤事已見前首註晉書張翰吳郡吳人也任心

自適不求當世曰使我有  
身後各不如卽時一杯酒

送族弟凝之滁求婚崔氏 唐時滁州隸淮南道

與爾情不淺忘筌已得魚玉臺挂寶鏡持此意何如

坦腹東牀下由來志氣疎遙知向前路擲果定盈車  
筌與筌同莊子筌者所以在魚得魚而忘筌蹄者所  
以在兔得兔而忘蹄言者所以在意得意而忘言吾  
安得夫忘言之人而與之言哉陸德明註筌七全反  
崔音孫香草也可以餌魚或云積柴水中使魚依而  
食焉一云魚笱也世說溫公喪婦從姑劉氏家值亂  
離散唯有一女甚有姿慧始以屬公覓婚公密有自  
婚意答曰佳婿難得但如嶠比云何始曰喪亂之餘  
乞粗存活便足慰吾餘年何敢希汝比卻後少日公  
報姑曰已覓得婿處門第粗可婿身名宦盡不減嬌  
因下玉鏡臺一枚姑大喜既婚交禮女以手披紗扇  
拊掌笑曰我固疑是老奴玉鏡臺是公為劉越石長  
史北征劉聰所得晉書太尉郗鑒使門生求女婿於



王導導令就東廂福觀子弟門生歸謂鑿曰王氏諸少並佳然聞信至咸自矜持惟一人在東牀坦腹食獨若不聞鑿曰此正佳婿耳訪之乃羲之也遂以女妻之世說註語林曰潘安仁至美每行老姬以果擲之滿車○

送友人遊梅湖

初學記始興有梅湖北堂書鈔地里志云梅湖者昔有梅筏沉於此湖有時浮出至春則開花流滿湖矣玩詩內新林浦金陵月之句此地當與金陵相近

送君遊梅湖應見梅花發有使寄我來無令紅芳歇

暫行新林浦定醉金陵月莫惜一雁書音塵坐胡越

太平御覽荆州記曰陸凱與范曄友善自江南寄梅花一枝詣長安與曄并贈詩曰折梅逢驛使寄與隴頭人江南無所有聊贈一枝春胡三省通鑑註新林浦去今建康城二十里西值白鷺洲詩人用雁書悉本漢書蘇武傳中詭句奴事非實有其事也胡越者胡在北越在南以喻間隔而不相聞之意

送崔十二游天竺寺

咸淳臨安志天竺寺者餘杭之勝利也飛來峰者武林之奇巖也晉時梵僧慧理指此山乃靈鷲之一小嶺不知何年飛來至此掛錫置院初曰翻

經隋開皇中法師真觀廣之改爲天竺寺琦按杭州天竺寺有三上天竺寺創自石晉天福間道翊禪師得異木刻以爲大士像吳越忠懿王卽其地創佛廬奉之號天竺觀音看經院者是也中天竺寺創自宋太平興國元年吳越王卽寶掌禪師道場舊址改建號崇壽院者是也下天竺寺創自隋開皇中真觀法師即慧理之翻經院改建號南天竺寺者是也上中二寺皆唐以後所建其始亦無天竺寺之名唐之天竺寺乃今之下天竺也

還聞天竺寺夢想懷東越每年海樹霜桂子落秋月

送君游此地已屬流芳歇待我來歲行相隨浮溟渤

杭州春秋時爲越地而在東方故曰東越與史漢稱東甌爲東越者不同咸淳臨安志舊俗所傳月墜桂

子惟天竺素之唐天寶中寺前一子成樹今月桂  
峰在焉刺史白居易詩云宿因月桂落醉為海榴開  
註云天竺嘗有月中桂子落又東城桂詩云子墮本  
從天竺寺根盤今在閩間城註云舊說杭州天竺寺  
每歲秋中有月桂子墜又刺史盧公輔詩云遠客偏  
求月桂子老僧不誌石蓮花劉鑠詩屢見流芳歇鮑  
照詩穿池類溟渤  
溟溟海湯渤海也

### 送楊山人歸天台

客有思天台東行路趨忽濤落浙江秋沙明浦陽月  
今游方厭楚昨夢先歸越且盡秉燭歡無辭凌晨發  
我家小阮賢剖竹赤城邊詩人多見重官燭未曾然  
興引登山屐情催汎海船石橋如可度攜手弄雲煙  
王巾頭陀寺碑文東望平阜千里超忽呂向註趨忽  
遠貌元和郡縣志浙江在杭州錢塘縣南一十二里

莊子云浙河即謂浙江蓋取其曲折為名江濤每日  
晝夜再上常以月十日二十五日最濤湧高至數丈  
日最大小則水漸漲不過數尺大則濤湧高至數丈  
每年八月十八日數百里士女共觀舟人漁子派濤  
觸浪謂之弄濤浦陽江在婺州浦陽縣西浦陽江  
出桑溪山嶺東入越州諸暨縣施宿會稽志浦陽江  
源出婺州浦陽北流一百二十里入諸暨縣浦陽江  
北流由峽山直入臨浦灣以至海俗名小江一名錢  
清江古詩書短若夜長何不秉燭遊小阮謂阮籍之  
姪阮咸也後人謂姪曰小阮本此謝靈運詩割竹守  
滄海太平寰宇記赤城山在台州天台縣北六里文  
獻通考唐李嘉祐別名從一趙州人天寶七年進士  
為秘書正字袁台二州刺史善為詩綺靡婉麗有齊  
梁之風時以比吳均何遜云唐詩紀事李嘉祐上元  
中嘗為台州刺史大曆間刺史袁州與嚴維劉長卿冷  
朝陽友善嘉祐有送從叔陽冰寄從弟紆及姪端詩  
蓋三子之族也藝文類聚謝承後漢書曰巴祇為揚  
州刺史與客坐暗暝之申不燃官燭太平御覽會稽  
典錄曰陳修字奉遷烏傷人也為豫章太守修性清  
藻履約恭儉十日一炊不燃官燭南史謝靈運尋山

陟嶺必造幽峻登攝嘗著木屐上山則去其前齒下山則去其後齒晉書謝安嘗與孫綽等汎海風起浪湧諸人並懼安吟嘯自若舟人以安為悅猶去不止風轉急安徐曰如此將何歸耶舟人承言即回眾咸服其雅量法苑珠林天台懸崖峻峙峰嶺切天古老相傳云上有往時精舍得道者居之雖有石橋跨澗而橫石斷人且莓苔青滑自終古以來無得至者

送温處士歸黄山白鵝峰舊居

方輿勝覽黄山舊名黟山在徽

州歙縣西北一百二十八里高一千一百八十一仞郡志其山有摩天曼日之高宣歙池饒江等州山並是此山之支脉矣諸峰有如削成烟嵐無際雷雨在下其霞城洞室巖竇瀑泉則無峰不有信靈仙之窟宅山勢西北中坼望之類太華山有峰三十六其水源亦三十六溪二十四洞十有二巖八水流而下合揚之水為浙江之源第回峰有泉沸如湯常湧殊砂世傳黃帝嘗命駕與容成子浮邱公同游合丹於此其後又有仙人曹阮之屬時按黄山圖白鵝峰在石門

峯烏泥嶺之間志云吟嘯橋在白鵝嶺下名最著錢牧齋曰李白有送温處士歸黄山白鵝峰詩今白鵝峰不在三十六峰之列蓋三十六峰皆高七百仞以上其外諸峰高二三百仞者不與焉白鵝峰亦諸峰之一也

黄山四千仞三十二蓮峰丹崖夾石柱菡萏金芙蓉

伊昔昇絕頂下窺天目松仙人鍊玉處羽化留餘蹤

亦聞温伯雪

一作雲

獨往今相逢採秀辭五岳攀巖歷

萬重歸休白鵝嶺渴飲丹沙井鳳吹我時來雲車爾

當整去去陵陽東行行芳桂叢迴谿十六度碧嶂盡

晴空他日還相訪乘橋躡綵虹

黄山志江以南諸山最黄山其高四千仞

按黄山諸峰最高者志稱九百仞止矣四千仞者大抵自山麓平地而准擬之諸書皆言黃山之峰三十

有六而白詩只言三十有二蓋四峰唐以前未有名也山志云群峰聳秀羅列當前曰青鸞曰朱砂曰天嶽曰老人曰鉢孟盡作蓮花蓮葉狀稽康深賦曰天嶽青壁萬尋廣韻菡萏荷花未舒也邢昺爾雅疏嶽嶽青壁萬尋廣韻菡萏荷花未舒也邢昺爾雅疏今江東人呼荷花為芙蓉說文未發為菡萏已發為芙蓉按山志蓮花峰在硃砂峰北高九百仞石藥中尊干葉簇簇如辨並峙諸山皆及肩而止無敢爭高者汪晉穀云峰巍然中立環視萬峰面面皆蓮而此峰為眾蓮母石柱峰在墓石峯西北高七百九十九仞亭亭獨上刺日撐霄其形儼如天幹芙蓉峯在松林峯西高七百五十仞窺巒峭拔如齒齒一枝向天而開青天削出芙蓉惟此足當之是蓮花石柱芙蓉皆黃山峰名而詩意則謂黃山三十二峰皆如蓮花丹崖夾峙中植立若柱然其頂之圓平者如菡萏之未舒其頂之開敷者如芙蓉之已秀未嘗專指三峰而言也太平寰宇記杭州於潛縣有天目山上有兩湖若左右目故名天目也山極高峻上多美石泉水名茶咸淳臨安志天目山在臨安縣西五十里高三千九百丈周迴八百里有三十六洞為仙靈所居水經

註於潛縣北天目山極高峻崖嶺竦疊西臨後湖山上有霜木皆是數百年樹謂之翔鳳林山志引郡國志云浙江天目山高八千丈僅及黃山之麓蓋地勢自高而下有如建瓴黃山上時於高原天目峭拔乎卑壤以卑擬高則天目之頂僅及黃山之趾太白所謂昇絕頂而下窺天目松者良有以也鮑照詩至哉鍊玉人處此長自舉山志鍊丹峯高八百七十仞相傳浮邱公鍊丹峯頂經八甲子丹始成黃帝服七粒不籍雲霧昇空游戲石室內丹竈杵臼儼然尚存峰前有晒藥臺臺下深黝不可測羽化謂仙人解形而去也莊子溫伯雪子適齊反舍於魯仲尼見之而不言子路曰吾子欲見溫伯雪子道存矣見之而不言何耶仲尼曰若夫人者目擊而道存矣亦不可言容聲矣太白借其名以喻溫處士若所謂河東郭有道吾友揚子雲洛陽蘇季子笑對劉公榮之類集中甚多皆借古人之名以謂今人而黃山志遠以伯雪為溫處士之名失其解矣楚辭採三秀兮山間王逸註三秀芝草也莊子歸休乎君予無所用天下為菖溪漁隱叢話湯泉多作疏黃氣浴之則襲人肌膚惟新安之黃山是硃砂泉圖經云黃山東峯下有硃

砂湯泉熱可點茗春時卽色微紅江南通志黃山硃砂泉自硃砂峯來依巖連二小池上池瑩澈廣可七尺深半之豪髮可鑿泉出石底壘壘如貫珠不絕氣翻醇若湯酌之甘芳蓋非他疏黃泉比也浴者垢痂流由纖塵不畱令人心境清廓氣爽體舒相傳沉痾者澡雪立差邱遲詩馳道聞鳳吹水經註中山衛叔卿居華山中嘗乘雲車駕白鹿見漢武帝元和郡縣志陵陽山在宣州涇縣西南百三十里陵陽子明得仙處謝惠連詩行行道轉遠去情彌遲枚乘七發依絕區公臨迴溪李周翰註回溪曲澗也山志天橋在鍊丹臺一名仙人橋一名仙石橋爲黃山最險兩峰絕處各出峭石彼此相抵有若筍接接而不合似續若斷登者莫不嘆爲奇絕若圖經載唐開元中見於鍊丹峯側長三十餘丈近代謂見於蓮花峯西南又謂有採藥人宿橋下聞橋上笙歌聲天明覓橋不見皆虛誕不信石橋固真境非幻境也方拱乾游黃山記過獅子峰登清涼臺瞰天橋如長虹亘於巖上下而親至橋側三石合成兩石如橋柱一石覆之柱下無所着可以繩度上脊不盈五寸下大闊如都城闔俯視鳴絃泉恰覆之不知去此四十里也乘橋躡

彩虹蓋指天橋如彩虹耳又武夷山記武夷君於八月十五日大會村人於武夷山上置幔亭化虹橋通山下是以彩虹爲橋可以乘躡者又一說也○菡音憾菡談上聲

送方士趙叟之東平

方士謂方術之人史記封禪書燕齊海上之方士傳

其術唐書地理志河南道有鄆州東平郡

長桑晚洞視五藏無全牛趙叟得祕訣還從方士游

西過獲麟臺爲我弔孔丘念別復懷古潛然空淚流

安記扁鵲者渤海郡鄭人也姓秦氏名越人少時爲人舍長舍客長桑君過扁鵲獨奇之常謹遇之長桑君亦知扁鵲非常人也出入十餘年乃呼扁鵲私坐問與語曰我有禁方年老欲傳與公公母泄扁鵲曰敬諾乃出其懷中藥與扁鵲飲是以上池之水二十日當知物矣乃悉取其禁方書盡與扁鵲忽然不見殆非人也扁鵲以其言飲藥三十日視垣見一方人以此視病盡見五藏癥結特以診脈爲名耳索隱曰

長桑君隱者蓋神人也正義曰五藏謂心肝脾肺腎也莊子庖丁曰始臣解牛之時所見無非牛者三年之後未嘗見全牛也方今之時臣以神遇而不以目視左傳西狩於大野叔孫氏之車子鉏商獲麟以爲不祥以賜虞人仲尼觀之曰麟也然後取之史記正義括地志云獲麟堆在鄆州鉅野縣東十二里春秋哀十四年經云西狩獲麟國都城記云鉅野故城東十里澤中有上臺廣輪四五步俗云獲麟堆去魯城可三百餘里一統志獲麟臺在鉅野縣東南五十里卽西狩獲麟之所後人於此築臺

送韓準裴政一作孔巢父還山 舊唐書孔巢父早勤文史少時與韓準裴政李白張叔明陶沔隱於徂徠山時號竹溪六逸永王璘起兵江淮聞其賢以從事辟之巢父知其必敗側身潛遁由是知名德宗幸奉天遷給事中河中陝華等州招討使尋兼御史大夫充魏博宣慰使遇害

獵客張兔豷不能挂龍虎所以青雲人高歌一作在

巖戶韓生信英一作豪

一作彦

裴子含清真孔侯復秀山俱

與雲霞親峻節凌遠松同衾臥盤石斧冰漱寒泉三

子同

一作傳

二履時時或乘興往往去一作去

雲無心出山

揖牧伯長嘯輕衣簪昨宵夢裏還云弄竹溪月今晨

魯東門帳飲與君別雪崖滑去馬蘿徑迷歸人相思

若烟草歷亂無冬春

詩國風肅肅兔置毛傳曰兔置

清泉李善註聲類云盤大石也魏武帝苦寒行擔囊

行取薪斧冰持作糜陶淵明歸去來詞雲無心而出

岫尚書正義曲禮曰九州之長曰牧王制曰千里之

外設方伯八州八伯然則牧伯一也伯者言一州之

長牧者言牧養下民鄭玄曰殷之州牧曰伯虞夏及

周曰牧後人稱太守曰牧伯本此帳飲謂於曠地張

帳而飲也別賦帳飲東都送客金谷王融詩雪崖似

留月蘿徑若披雲鮑照詩憂來無行伍歷亂如覃葛

送楊少府赴選

大國置衡鏡準平天地心群賢無邪人朗鑒窮清

蕭本

作情深吾君詠南風袞冕彈鳴琴時泰多美士京國會

纓簪山苗落澗底幽松出高岑夫子有盛才王司得

球琳流水非鄭曲前行遇知音衣工剪綺繡一誤傷

千金何惜刀尺餘不裁寒女衾我非彈冠者感別但

開襟空谷無白駒賢人豈悲吟大道安棄物時來或

招尋爾見山吏部當應無陸沉

庾信代人乞致仕表出擁干旌人參衡鏡

陸機詩朗鑒豈遠假呂延濟註朗明也鑒鏡也淮南

子舜為天子彈五絃之琴歌南風之詩而天下治儀禮天子袞冕負斧依左傳袞冕黻珽杜預註袞畫衣也冕冠也孔穎達正義畫衣謂畫龍於衣也毛萇詩

傳袞冕者君之上服也任昉詩時泰玉階平左思咏

史詩鬱鬱澗底松離離山上苗以興起世胄躡高位

英俊沉下僚之意太白反而用之以喻因才器使高

下各得其宜也陸機詩長秀被高岑淮南子西北方

之美者有崑崙之球琳琅玕焉高誘註球琳琅玕皆

美玉也呂氏春秋伯牙鼓琴鍾子期聽之志在流水

鍾子期曰善哉乎鼓琴湯湯乎若流水史記鄭衛之

曲動而心淫漢書王吉與貢禹為友世稱王陽在位

貢禹彈冠言其取舍同也毛萇詩傳白駒大夫刺宣

王也宣王之末不能用賢賢人有乘白駒而去者其

末章云皎皎白駒在彼空谷生芻一束其人如玉毋

金玉爾音而有遐心傳云空大也晉書山濤為吏部

尚書前後選舉周徧內外而並得其才濤所奏甄拔

人物各為題日時稱山公啟事莊子是陸沉者也郭

象註人中隱者譬無水而沉也

對雪奉餞任城六父秩滿歸京

鄭康成毛詩箋餞送行飲酒也

唐書地理志河南道兗州魯郡有任城縣

龍虎謝鞭策鷓鴣不司晨君看海上鶴何似籠中鷄  
獨用天地心浮雲乃吾身雖將簪組狎若與烟霞親  
季父有英風白眉超常倫一官卽夢寐脫屣歸西秦  
竇公敞華筵墨客盡來臻燕歌落胡雁郢曲迴陽春  
征馬百度嘶游車動行塵躊躇未忍去戀此四座人  
餞離駐高駕惜別空慙慙何時竹林下更與步兵鄰  
抱朴子麟不吠守鳳不司晨維摩詰經是身如浮雲  
須臾變滅韻會將與也蜀志馬良字季常兄弟五人  
並有才名鄉里爲之諺曰馬氏五常白眉最良良眉  
中有白毛故以稱之魏志崔林爲幽州刺史曰刺史  
視去此州如脫屣寧當相累耶胡三省曰履不躡跟  
曰屣言脫之易耳韻會故開也古樂府有燕歌行李  
善文選註歌錄口燕地名猶楚宛之類樂府古題要  
解燕歌行晉樂奏魏文帝秋風蕭瑟天氣涼別日何

易會日難二篇言時序遷換而行役不歸住人怨曠  
無所訴也客有歌於郢中者其曲彌高其和彌寡詳  
見二卷註落胡雁謂其聲之精妙能令飛鳥感之而  
下集迴陽春謂其音之美善能令陽氣應之而潛動  
江淹別賦驅征馬而不顧見行塵之時起晉  
書阮咸任達不拘與叔父籍爲竹林之游

魯郡堯祠送吳五之琅琊太平寰宇記堯祠在  
兗州瑕丘縣東南七

里通典魯郡今兗  
州琅琊郡今沂州

堯沒三千歲青松古廟存送行奠桂酒拜舞清心魂  
日色促歸人連歌倒芳樽馬嘶俱醉起分手繆本更  
作首

何言楚辭奠桂酒兮椒漿王逸註桂酒切桂置酒中  
也江淹詩何用苦心魂劉孝綽詩芳樽散緒寒

謝瞻詩分  
手東城闌

魯郡堯祠送竇明府薄華還西京時久病  
初起作



朝策犁眉駟舉鞭力不堪強扶愁疾向何處角巾微

服一作步堯祠南長楊掃地不見日石門噴作金沙潭

笑誇故人一作謔指絕境山光水色青於藍廟中往

往來擊鼓堯本無心爾何苦門前長跪雙石人有女

如花日歌舞銀鞍繆本作鞞繡轂往復迴簸林蹶石鳴風

雷遠烟空翠時明滅白鷗歷亂長飛雪紅泥亭子赤

朱一作欄欄干碧流環轉青錦湍深沉百丈洞海底那知

不有蛟龍蟠繆本作盤。十六國春秋姚襄所乘駿馬曰鯨眉駟日行千里說文駟黃馬黑

喙也鯨黑也鯨眉駟則黃馬而黑眉者矣古犂鯨字

通用胡三省通鑑註幅巾以橫幅爲之角巾則巾之

有角者郭林宗遇雨巾一角壘則角巾也梁簡文帝

詩杖中水上春併歸長楊掃地桃花飛荀子青出於

藍而青於藍王勃詩銀鞍繡轂盛繁華西京賦蕩川

瀆簸林薄李周翰註蕩簸謂搖動張協七命張林蹶

之貌謝靈運詩空翠難爲名君不見綠珠潭水流東

海綠珠紅粉沉光彩一作白首同綠珠樓下花滿園

今日曾無一枝在昨夜秋聲聞闐闐來洞庭木落騷人

哀遂將三五少年輩登高遠望繆本作送遠形神開生前

一笑輕九鼎魏武何悲銅雀臺洛陽御藍記昭儀寺有池京師學徒謂之

翟泉後隱士趙逸云此地是晉侍中石崇家池池南

有綠珠樓於是學徒始悟經過者想見綠珠之容也

太平寰宇記洛陽縣石崇宅有綠珠樓今謂之狄泉

是也孔穎達春秋正義易緯通卦驗云秋分聞闐風

至王叔齊籟記聞闐風一曰盲風又曰颺風亦曰泰

風起自成天之闐闐門從西方來楚辭洞庭波兮木

葉下高唐賦登高望遠使人心悴魏志建安十五年

冬作銅雀臺陸機弔魏武帝文魏武帝遺令曰吾婕

好妓人皆着銅雀臺於臺堂上施八尺牀張總帳朝  
睛上脯備之屬月朝十五輒向帳作伎汝等時時登  
銅雀臺望吾我歌白雲倚窓牖一作大爾聞其聲但  
西陵慕田

揮手長風吹月渡海來遙勸仙人一杯酒酒中樂酣

宵向分舉觴酌堯堯可聞何不令臯繇一作陶擁篲橫

八極直上青天掃一作揮浮雲高陽小飲真瑣瑣山公

酪酌何如我竹林七子去道賒蘭亭雄筆安足誇堯

祠笑殺五一作鏡湖水至今憔悴空荷花爾向西表我

東越暫向瀛洲訪金闕藍田太白若可期為余掃灑

石上月上林賦於是酒中樂酣顏師古註酒中飲酒  
中半也樂酣奏樂洽也沈約詩月落宵向分

紫烟鬱氛氲臯繇即臯陶字異音同本漢書古今人  
表漢書太公擁篲顏師古註篲者所以掃也小經註

襄陽侯習郁依范蠡養魚法作大陂陂長六十步廣  
四十步又作石伏逗引大池水於宅北作小魚池池  
長七十步廣十二步西枕大道東二邊限以高堤柳  
竹夾植蓮芡覆水是游宴之名處也山季倫之鎮襄  
陽每臨此池未嘗不大醉而還恒言此是我高陽池  
故時人為之歌曰山公出何去往至高陽池日暮倒  
載歸酪酌無所知爾雅瑣瑣小也玉篇酪酌醉甚也  
群輔錄魏步兵校尉陳留阮籍字嗣宗中散大夫譙  
嵇康字叔夜晉司徒河內山濤字巨源建威參軍沛  
劉伶字伯倫始平太守陳留阮咸字仲容散騎常侍  
河內向秀字子期司徒琅邪王戎字濬冲魏嘉平中  
並居河南山陽共為竹林之遊世號竹林七賢何延  
之蘭亭始末記蘭亭者晉右將軍會稽內史瑯琊王  
羲之所書之序也右軍聯綿美青蕭散名賢雅好山  
水尤善草隸以晉穆帝永和九年暮春三月三日宜  
游山陰與太原孫統孫綽廣漢王彬之陳郡謝安高  
平郗曇太原王蘊釋支遁并其子凝之徽之操之等  
四十有二人修禊祓之禮於山陰之蘭亭揮毫製序  
興樂而書用蠶繭紙鼠鬚筆適媚勁健絕代更無凡  
二十八行三百二十四字字有重者皆構別體就中

李太白文集 卷十六  
之字最多乃有二十許箇變轉悉異遂無同者其時  
乃有神助及醒後他日更書數十百本終無及者右  
軍亦自珍愛寶重此書留付子孫揚齊賢曰五湖太  
湖也東越會稽也瀛洲金闕事詳見四卷登高邱而  
望遠海註太平寰宇記藍田山在藍田縣西三十里  
一名玉山一名覆車山郭緣生述征記云山形如覆  
車之象也按後魏風土記云山嶺方二里仙聖游集  
之所劉雄鳴學道於此下有祠甚嚴灞水之源出於  
此圖書編太白山在郡縣東南關中諸山莫高於此  
上有鐵鑪山神牌三有湫池雖三伏亦凝冰山嶺常  
有積雪不消盛夏視之猶爛然故以太白名有  
鬼谷卽鬼谷子授蘇秦押闔術處○篋音遂

### 金鄉送韋八之西京

按唐書地理志河南道  
兖州魯郡有金鄉縣

客自長安來還歸長安去狂一作秋風吹我心西挂咸

陽樹此情不可道一作論此別何時遇望望不見君連

山起烟霧鮑照詩連山渺烟  
霧長波迴難依

### 送薛九被讒去魯

宋人不辨玉魯賤東家丘我笑薛一作而我笑夫子胡爲

兩地遊黃金消衆口白璧竟難投梧桐生蒺藜綠竹

乏佳實鳳凰宿誰家遂與群雞匹田一作方家養老馬

窮士歸其門蛾眉笑蹙者賓客去平原却斬美人首

三千還駿奔毛公一挺劍楚趙兩相存孟嘗習一作悅

狡兔三窟賴馮諼信陵奪兵符爲用侯生言一作生擊晉

鄙爲感春申一何愚刎首爲李園賢哉四公子撫掌

黃泉裏借問笑何人笑人不好士爾去且勿誼一作論

桃李竟何言沙邱無漂母誰肯飯王孫宋人得燕石  
以爲玉而藏

李太白集卷之六  
之詳見二卷註沈約辯聖論當仲尼在世之時世人  
不言為聖人也伐樹削跡于七十君而不一值或以  
為東家丘或以為喪家犬五臣文選註魯人不識孔  
子聖人乃曰彼東家丘者吾知之矣言雖孔子猶可  
語眾口鑠金韋昭註鑠消也眾口所毀雖金石猶可  
消之也太平御覽風俗通曰眾口鑠金俗說有美金  
於此眾人咸共詆訾言其不純賣金者欲其售因取  
煨燒以見真此為眾口鑠金史記明月之珠夜光之  
璧以暗投人於道路人無不按劍相眦者何則無非  
而實不食淮南子田子方見老馬於道喟然有志焉  
以問其御曰此何馬也其御曰此故公家畜也老罷  
者弗為用由而鬻之曰少而貪其力老而棄其身仁  
平原君家樓臨民家民家有甃者盤散行汲平原君  
美人居樓上臨見大笑之甃者至門請曰臣不幸有  
罷癯之病而君之後宮臨而笑臣願得笑臣者頭  
平原君笑應曰諾甃者去平原君曰豎子乃欲以一  
笑之故殺吾美人不亦甚乎終不殺居歲餘賓客門  
下舍人引去者過半平原君怪之曰勝所以待諸君

者未嘗敢失禮而去者何多也門下一人前對曰以  
君之不殺笑甃者以君為愛色而賤士士即去耳於  
是平原君斬笑甃者美人頭自造門進甃者因謝焉  
門下乃復稍稍來詩周頌駿奔走在廟鄭箋曰駿大  
也孔穎達曰大者多而疾來之意後漢書趙使平原君  
章懷太子註駿疾也史記秦之圍邯鄲趙使平原君  
求救合從於楚約與食客門下有勇力文武備具者  
二十人偕得於楚約與食客門下有勇力文武備具者  
君曰願君即以遂備員而行矣平原君至楚與楚合  
縱日出而言之日中不決毛遂按劍歷階而上謂平  
原君曰縱之利害兩言而決耳今日出而言從日中  
不決何也楚王叱曰胡不下吾乃與而君言汝何為  
者也毛遂按劍而前曰王不得恃楚國之眾也以楚  
國之眾也今十步之內王不得恃楚國之眾也王以  
於遂手吾君在前叱者何也楚地地方五千里持戟百  
萬此霸王之資也以楚之強天下弗能當白起小豎  
子耳率數萬之眾與師以與楚戰一戰而舉鄢郢再  
戰而燒夷陵三戰而辱王之先人此百世之怨而趙  
之所羞而王勿知惡焉合從者為楚非為趙也楚王  
曰唯唯誠若先生之言謹奉社稷以從毛遂謂楚王

之左右曰取雞狗馬之血來毛遂奉銅盤而跪進之  
楚王曰王當歃血而定從次者吾君次者遂遂定從  
於殿上楚使春申君將兵赴救趙戰國策馮煖為孟  
嘗君收債於薛矯命以債賜諸民因燒其券長驅到  
齊孟嘗君見之曰債畢收乎曰收畢矣以何市而反  
煖曰君云視吾家所寡有者臣竊計君所寡有者以  
義耳竊以為君市義孟嘗君不悅期年孟嘗君就國  
於薛民扶老攜幼迎君道中孟嘗君顧馮煖曰先生  
所為文市義者乃今日見之馮煖曰狡兔有三窟僅  
得免其死耳今有一窟未得高枕而臥也請為君復  
鑿二窟西遊梁謂梁王曰齊放其大臣孟嘗君諸侯  
先迎之者國富而兵強於是梁王遣使者聘孟嘗君  
梁使三反齊王聞之遣太傅謝君曰寡人不祥沉於  
詔諛之臣開罪於君寡人不足為也願君顧先王之  
宗廟反國統萬人乎馮煖戒孟嘗君曰願請先王之  
祭器立宗廟於薛廟成還報君曰三窟已就君始高  
枕為樂矣孟嘗君為相數十年無纖芥之禍馮煖之  
計也信陵君用侯生計竊兵符奪晉鄙兵救趙詳見  
三卷註史記李園陰養死士欲殺春申君國人頗有  
知之者朱英謂春申君曰世有無望之福又有無望

之禍今君處無望之世事無望之王安可以無無望  
之人乎春申君曰何謂無望之禍曰君相楚二十餘  
年矣雖名相國實楚王也今楚王病且暮且卒而君  
相少主因而代立當國如伊尹周公王長而反政不  
自遂南面稱孤而有楚國此所謂無望之禍也春申  
君曰何謂無望之禍曰李園不治國而君之仇也不  
為兵而養死士之日久矣楚王卒李園必先入據權  
而殺君以滅口此所謂無望之禍也春申君曰何謂  
無望之禍曰君置臣郎中楚王卒李園必先入臣為  
君殺李園此所謂無望之禍也春申君曰李園弱人  
也僕又善之且又何至此未英知言不用恐禍及身  
乃亡去後十七日考烈王卒李園果先入伏死士於  
棘門之內春申君入棘門死士夾刺春申君斬其頭  
投之棘門外李善文選註服虔左氏傳註曰天京地  
黃泉在地中故言黃泉論衡其死也葬之黃泉之下  
史記桃李不言下自成蹊沙邱在魯地詳見十三卷  
註漂母事見六卷註○琦按田家養老馬以下十四  
句蓋歷言古人好士之美而雜以春申一何愚列首  
為李園似非倫類下文又接以賢哉四公子云云譬  
之李家娘子纔入墨池忽登雪嶺矣太白斗酒百篇

信筆疾書不無疵類然不應數句之間黑白不分  
明至此苟非缺文則為訛筆蓋無疑矣○壁音碧

單父東樓秋夜送族弟沈繆本之秦一作西京

註時疑弟在席○單父縣名唐時屬河南道宋州睢陽郡○單音善父音甫

爾從咸陽來問我何勞苦沐猴而冠不足言身騎土

牛滯東魯沈弟欲行凝弟留孤飛一雁秦雲秋坐來

黃葉落四五北斗已一作稍挂西城樓絲桐感人絃亦

已一作蕭本絕滿堂送客皆惜別卷簾見月清興來疑

是山陰夜中雪明日斗酒別惆悵清路塵遙望長安

日不見長安人長安宮闕九天上此地曾經為近臣

一朝復一朝髮白心不改屈平憔悴滯江潭亭伯流

離放遼海折翻翻飛隨轉蓬一作翼短天聞弦虛墜

下霜空聖朝久棄青雲士他日誰憐一作誰張長公

史記說者曰人言楚人沐猴而冠耳張晏曰沐猴而

冠也漢書藋太子以為漢廷公卿列侯皆如沐猴而

騎土牛又何遲也是周泰荅鍾繇語詳見十二卷贈

宣城趙太守詩註王粲詩絲桐感人情為我發悲音

世說王子猷居山陰夜大雪眠覺開室命酌酒四望

皎然曹植詩君若清路塵楚辭屈原既放游於江潭

行吟澤畔顏色憔悴後漢書崔駰字季伯為竇憲主

簿前後奏記數十切指長短憲不能容稍疎之因察

駟高第出為長岑長駟自以遠去不得意遂不之官

而歸章懷太子註長岑縣屬樂浪郡其地在遼東曹

植詩轉蓬離本根飄飄隨長風何意迴颺舉吹我入

雲中高海上無極天路安可窮類此游客子捐軀遠

從戎聞絃虛墜用戰國策更羸引弓虛發而下鳥事

詳見大獵賦註史記張釋之傳其子曰張犖字長

送族弟凝至晏堦單父三十里

雪滿原野白戎裝出盤遊揮鞭布獵騎四顧登高邱  
兔起馬足間蒼鷹下平疇喧呼相馳逐取樂銷人憂  
捨此戒禽荒蕭木作微聲列齊謳鳴雞發晏堦別雁驚  
涑溝西行有東音寄與長河流淮南子周視原野高誘註廣平日原郊外  
日野書五子之歌盤游無度孔安國傳盤樂遊逸也  
又五子之歌外作禽荒鮑照詩選色徧齊岱徵聲匪  
邛越說文謳齊歌也魏書東平郡范縣有涑溝山東  
通志單縣東門外有涑河源出汴水晉時所開北抵  
濟河南通徐沛元以後漸湮惟下流入沛者僅存水  
道呂氏春秋夏后氏孔甲作破斧之歌實始為東音

魯城北郭曲腰桑下送張子還嵩陽

送別枯桑下凋葉落半空我行憺道遠爾獨知天風

誰念張仲蔚還依蒿與蓬何時一杯酒更與李膺同

古樂府枯桑知天風李善註枯桑無枝尚知天風說  
文憺不明也高士傳張仲蔚者平陵人也與同郡魏  
景卿俱修道隱身不仕明天官博物善屬文好詩  
賦常居窮素所處蓬蒿沒人閉門養性不治榮名時  
人莫識惟劉夔知之○憺音夢

送魯郡劉長史遷山農長史魯郡即兗州弘農

南道為上州上州刺史別駕

之下有長史一人

魯國一不水難容黃海海仲尼且不飲况乃尋常人

魯國一不水難容黃海海仲尼且不飲况乃尋常人





幾風化淳魯縞如白烟五緜不成東臨行贈貧交一

尺重山岳相國齊晏子贈行不及言託陰當樹李忘

憂當樹萱他日見張祿緜袍懷舊恩抱朴子寸鮒遊牛跡之水不貴

橫海之巨鱗謝世基詩偉哉橫海鱗壯矣垂天翼史

記黃帝採首山銅鑄鼎於荆山下鼎既成有龍垂胡

鬣下迎黃帝黃帝上騎群臣後宮從上者七十餘人

龍乃上去餘小臣不得上乃悉持龍鬣龍鬣拔墮墮

黃帝之弓百姓仰望黃帝既上天乃抱其弓與龍鬣

號故後世因名其處曰鼎湖其弓曰烏號通典弘農

郡湖城縣故曰胡漢武帝更為湖縣有荆山黃帝鑄

鼎於荆山其下曰鼎湖即此也太平廣記黃帝鑄十

五鏡其第一橫徑一尺五寸法滿月之數也以其相

差各校一寸路史黃帝范十有二次隨有得者以占日蝕

得以占焉羅莘註應十有二次隨有得者以占日蝕

刻分無差抱朴子黃帝陟王屋而授丹經路史黃帝

回駕王屋啟石函發玉笈得九鼎飛靈神丹訣漢書

強弩之末力不能入魯縞顏師古註縞素也曲阜之

地俗善作之尤為輕細說文縑并絲縑也琦按二句

相承而言上句既用縞字則下句不當又用縑字疑

縑乃兼字之譌也六書故二丈為端二端為匹為兩

為兼兼匹兩之義一也今人猶以匹為儀禮註凡物十

為五匹歟鄭玄周禮註十箇為束又儀禮註凡物十

曰束胡三省通鑑註唐制帛以十端為束今止五匹

故不成束也後漢書德重山岳澤深河海晏子春秋

曾子將行晏子送之曰君子贈人以軒不若以言吾

請以言乎以軒乎曾子曰請以言晏子曰嬰聞之君

子居必擇居游必就士擇居所以言晏子曰嬰聞之君

賈意哀之留與坐飲食曰范叔一寒至此哉乃取一  
綈袍以賜之索隱曰綈厚繒也音啼蓋今之絁也正  
義曰綈袍  
今之衾袍

送族弟單父主簿凝攝宋城主簿至郭南月橋

却回樓霞山留飲贈之

唐河南道宋州睢陽郡有宋城縣在郭下有單

父縣在州之東北一百四十九里一統志樓霞山在兗州單縣東四里單縣即舊時單父縣也

○單父音善甫

吾家青萍劍操割有餘閑往來糾二邑此去何時還

鞍馬月橋南光輝岐路間賢豪相追餞却到樓霞山

群花散芳園斗酒開離顏樂酣相顧起征馬無由攀

青萍劍名操割用子產未能操刀而使割語俱詳九卷註韻會糾督也又察也周禮大司徒糾萬民音與

九同陶潛詩斗酒開芳顏  
江淹別賦驅征馬而不顧

魯郡東石門送杜二甫

居易錄孔博士東塘言曲阜縣東北有石門山

即杜子美詩題張氏隱居所謂春山無伴獨相求劉九法曹鄭毅邱石門宴集所謂秋水清無

底者是也李太白有石門送杜二甫詩何時石門路更有金樽開亦其地山麓今尚有張氏庄

相傳為唐隱士張叔明舊居張蓋與太白孔巢父輩同隱徂徠稱竹溪六逸者也山不甚高大

石峽對峙如門故名中有石門寺後曰涵峯峰頂有泉流入溪澗往往成瀑布

醉別復幾日登臨徧池臺何時繆本石門路一作重

有金樽開秋波落泗水海色明徂徠飛蓬各自遠且

盡手繆本中杯元和郡縣志泗水源自兗州泗水縣東陪尾山其源有四泉俱導因以

為各一統志泗水源自陪尾山四泉並發循泗水縣北八里始合為一西經曲阜縣貫兗州府城下至濟

寧分流入南北南流入徐州境北流入會通河水經註  
鄒山記曰徂徠山在梁甫奉高博三縣界猶有美松  
亦曰尤來之山一統志徂徠山在泰安州東南四十  
里上有紫原池玲瓏山獨秀峰天平東西三寨商子  
飛蓬遇飄風而行千里

魯郡堯祠送張十四遊河北

唐書地理志河北道益古幽冀二州

之境有孟懷魏博相衛貝澶邢洛惠鎮冀深趙滄景德定易幽涿瀛莫平媯檀薊營二十九州

猛虎伏尺草雖藏難蔽身有如張公子骯髒在風塵

豈無橫腰劍屈彼淮陰人擊筑向北燕燕歌易水濱

歸來太山上當與爾為鄰

後漢書註骯髒高亢律直之貌淮陰用韓信為淮陰

少年所辱詳見三卷註水經註太子丹遣荆柯刺秦王賓客知謀者皆素衣冠送之於易水之上荆柯起為壽歌曰風蕭蕭兮易水寒壯士一去兮不復還高漸離擊筑宋如意和之為壯聲士皆髮冲冠為哀聲

士皆流涕陶潛詩老夫有所愛思與爾為鄰

杭州送裴大澤時赴廬州長史

唐時杭州餘杭郡屬江南東道

廬州廬江郡屬淮南道

西江天柱遠東越海門深去割辭

許本

親戀行憂報

國心好風吹落日流水引長吟五月披裘者應知不

取金

漢書廬江郡灊縣天柱山在南三國志灊中有天柱山高峻二十餘里道險狹步徑裁通一統

志霍山在廬州府六安州西南九十里一名衡山一名天柱漢武帝南巡至盛唐以南岳衡山遠阻乃移岳神於霍而祀焉又名南岳山頂有天池龍湫風洞岳井試心崖凌霄樹咸淳臨安志海門在仁和縣東北六十五里有山曰赭山與龕山對峙潮生出其間輟耕錄浙江之口有兩山焉其南曰龕山其北曰赭山蓋峙於江海之會謂之海門論衡延陵季子出遊見路有遺金當夏五月有披裘而薪者季子呼薪

者曰取彼地金采薪者投鎌於地瞑目拂手而言曰  
何子居之高視之下儀貌之壯語言之野也吾當夏  
五月披裘而薪豈取金者哉季子謝之請問姓氏  
薪者曰子皮相之士也何足語姓氏遂去不顧

灞陵行送別

送君灞陵亭灞水流浩浩上有無花之古樹下有傷

心之春草我向秦人問路岐云是王粲南登之古道

古道連綿走西京紫闕繆本作關落日浮雲生正當今夕

斷腸處驪歌蕭本作黃鸝愁絕不忍聽太平寰宇記霸陵在咸陽縣東北二

十五里水經註灞水歷白鹿原東即霸川西故芷陽  
矣是謂之霸上漢文帝葬其上謂之霸陵上有四出  
道以瀉水在長安東南三十里故王仲宣賦詩云南  
登霸陵岸迴首望長安王粲字仲宣以西京擾亂乃  
之荆州依劉表作七哀詩即南登灞陵岸回首望長  
安一首漢書王式曰客歌驪駒主人歌客無容歸服

虞曰驪駒逸詩篇名見大戴禮客欲去歌之其辭曰  
驪駒在門僕夫具存驪駒在路僕夫整駕○驪音離

送賀監歸四明應制冊府元龜賀知章為秘書

三載因老疾恍惚不醒若神游洞天三清上數  
日方覺遂有志入道乃上疏請度為道士歸捨  
本鄉宅為觀京宗許之仍拜其子典設郎曾為  
會稽郡司馬使侍養御製詩以贈行皇太子以  
下咸就執別御製詩并序云天寶三年太子賓  
客賀知章鑒止足之分抗歸老之疏解組辭榮  
志期入道朕以其夙有微尚年在遲暮用循挂  
冠之事俾遂赤松之游正月五日將歸會稽遂  
餞東路乃命六卿庶尹大夫供帳青門寵行邁  
也豈惟崇德尚齒抑亦勵俗勸人無令二疏獨  
光漢冊乃賦詩贈行云遺榮期入道辭老竟抽  
簪豈不惜賢達其如高尚心環中得秘要方外  
散幽襟獨有青門餞群英張別深又云筵開百  
壺餞詔許二疏歸仙記題金籙胡章換羽衣悄  
然承睿藻行路滿光輝按詩紀載知章之歸越  
也詔令供帳東門外百僚祖餞於長樂坡自李

適以下作詩送之今詩存者三十七首太白其一也

久辭榮祿遂初衣曾向長生說息機真訣自從茅氏

得恩波寧蕭本作應阻洞庭歸瑤臺含霧星辰滿仙嶠浮

空島嶼微借問欲繆本作候棲珠樹鶴何年却向帝城飛

楚辭進不入以離尤兮退將復修乎初服製芰荷以

為衣兮集芙蓉以為裳王逸註初服初服始潔清之服

也太玄真人傳茅盈仙去與家人及親戚辭歸句曲

二弟聞之棄官還家漢元帝永光元年渡江求兄於

東山遂與相見兄曰卿已老矣欲難可補縱得真訣

適可成地上至者耳水經註太湖中有大雷小雷三

山亦謂之三山湖又謂之洞庭湖吳地記揚州記曰

太湖一名震澤一名洞庭拾遺記須彌山旁有瑤臺

十二各廣千步皆五色玉為臺基梁武帝詩瑤臺舍

碧霧羅幕生紫烟列子海渤之東中有五山其根無

所連着常隨潮波上下往還詳見四卷註仙嶠浮空

蓋用其事淮南子崑崙中有珠樹玉樹璇樹不死樹

在其西論衡海外西南有珠樹焉神仙傳蘇仙公得道數歲之後昇雲而去後有白鶴來止郡城東北樓上或挾彈彈之鶴以爪攫樓板似漆書曰城郭是人

送竇司馬貶宜春

按唐時宜春郡即袁州也隸江南西道為上州上州刺史

長史之下有司馬一人從五品

天馬白銀鞍親承明主歡鬪雞金宮一作裏射雁碧

雲端堂上羅中繆本作巾貴歌鍾清夜闌何言謫南國拂

劍坐長嘆趙璧為誰點隨珠枉被彈聖朝多雨露莫

厭此行難陳後主詩照耀白銀鞍鬪雞中貴俱見二

卷註歌鐘見擬恨賦註史記趙惠文王時得楚和氏璧陳子昂詩青蠅一相點白璧遂成冤搜

神記隨侯出行見大蛇被傷中斷疑其靈異使人以

李太白文集 卷一  
藥封之蛇乃能去因號其處為斷蛇邱歲餘蛇啣明珠以報之珠盈徑寸純白而夜有光明如月之照可子今且有人於此以隨侯之珠彈千仞之雀世必笑之是何也則其所用者重而所要者輕也

送羽林陶將軍

唐書百官志左右羽林軍大將軍各一人正三品將軍各三人

從三品掌統北衙禁兵督攝左右廂飛騎儀仗

將軍出使擁樓船江上旌旗拂紫烟萬里橫戈探虎

穴三杯拔劍舞龍泉莫道詞人無膽氣臨行將贈繞

朝鞭樓船水軍所載之船也詳見四卷註東都賦羽旄掃霓旌旗拂天不探虎穴安得虎子用呂蒙

語詳見十五卷註龍泉劍名即龍淵也見十一卷註繞朝鞭見十二卷註○唐仲言曰此篇全是律體疑龍泉下脫一聯方弘靜曰此篇當是近體八句而逸其五六也今以為古詩或以為六句律詩按六句近

體唐人時有之本於六朝人或號為小律

送程劉二侍御

蕭本作郎

兼獨孤判官赴安西幕府

按舊唐書封常清傳開元末安西四鎮節度使夫蒙靈察判官有劉眺獨孤峻蓋其人也程則無考通鑑唐紀安西節度撫寧西域統龜茲焉者于闐疎勒四鎮治龜茲城兵二萬四千冊府元龜周禮六官六軍並有吏屬大則命於朝廷次則皆自辟除春秋諸國有軍司馬尉候之職而未有幕府之名戰國之際始謂將帥所治為幕府唐節度使之屬有副使一人行軍司馬一人判官二人掌書記一人參謀無員隨軍四人自是正為幕府之職皆奏請有出身人及六品以下正員官為之

安西幕府多才雄喧喧唯道三數公繡衣貂裘明積雪飛書走檄如飄風朝辭明主出紫宮銀鞍送別金

城空天外飛霜下  
蔥海火旗雲馬生  
光彩胡塞塵清

計日歸蕭本作清漢家草綠遙相待漢書侍御史有

揚子雲以繡者尊寵之也西京雜記枚臯文章敏疾

宮卽紫微宮天子所居也見二卷註金城長安城也

見五卷註通典安西郡西至疎勒鎮守使軍三千里

去蔥嶺七百里涼州異物志蔥嶺水分流東西入

似雲梁簡文帝詩悲笳動胡塞

攜妓東山去春光半道催遙看若繆本作二桃李雙入鏡

中開一統志東山在紹興府上虞縣西南四十五里

明月二亭遺跡曹植詩南園有佳人容華若桃李王

逸少云山陰路上行如在鏡中遊詳見十一卷註

送姪良攜二妓赴會稽戲有此贈

送賀賓客歸越

舊唐書天寶二年十二月乙酉

還鄉三載正月庚子遣左右相賀知章請度為道士

摩會稽永興人太子洗馬德仁之孫少以文辭

知名王草隸書進士及第歷官禮部侍郎集賢

學士太子右庶子兼皇太子侍讀檢校工部侍郎

遷秘書監太子賓客慶王侍讀知章性放善諠

晚年尤縱無復規檢年八十六自號四明狂客

每興酣命筆好復規檢年八十六自號四明狂客

筆惟命問有幾紙報十紙紙盡語亦盡二百言詩

三十紙紙盡語亦盡忽有好事與造化相爭非

人工所可到也天寶二年以年老上表請入道

歸鄉里特詔許之重令入閣儲皇以下拜辭上

親製詩序令所司供帳百僚餞送賜詩叙別知

章表謝手詔答曰卿儒才舊業德著老成方欲

乞言以光東序而乃高蹈世表歸心妙門雖雅

意難遠良深歎眷言離祖是用贈詩宜保師

大夫本郡司馬以伸侍養通典皇太子賓客四  
人掌調護侍從規諫凡太子有賓客之事則為  
上齒蓋取象於四皓焉  
資位閑重其流不雜

鏡湖流水漾清一作春始波狂客歸舟逸興多山陰道士

如相見應寫黃庭換白鵝通典越州會稽縣有鏡湖

白詩山陰道士如相見應寫黃庭換白鵝按晉書右

軍寫道德經換道士鵝非黃庭也僕觀陶穀跋黃庭

經曰山陰道士劉君以鵝群獻右軍乞書黃庭經此

是也穀亦謂黃庭得非承太白之誤乎黃魯直詩為

君寫就黃庭了不博山陰道士鵝梅聖俞詩道士難

換黃庭經又曰黃庭換白鵝皆承此謬或謂晉史但

言道士鵝群不知穀何以知其為道士劉君也僕考

晉帖獻之有劉道士鵝群亦復歸也無乃據此乎米

元章書史黃素黃庭經一卷是六朝人書陶穀跋云

山陰道士劉君以鵝群獻右軍乞書黃庭經此即是

也晉史載為寫道德經當舉群相贈因李白詩送賀

監云山陰道士如相見應寫黃庭換白鵝世人遂以

黃庭經為換鵝經甚可笑也黃伯思東觀餘論世傳

黃庭真帖為逸少書僕嘗考之非也按陶隱居真誥

翼真人所授弟子司徒公府長史楊君使作隸字寫

魏夫人所授弟子司徒公府長史楊君使作隸字寫

出以傳護軍長史許君及子上計掾掾以付子黃民

民以傳孔默後為王興先竊寫之始濟浙江遇風淪

漂惟黃庭一篇得存蓋此經也僕按逸少以晉穆帝

昇平五年卒是年歲在辛酉後二年歲在甲子即哀

帝興寧二年始降黃庭於世安得逸少預書之又按

梁虞龢論書表云山陰曇曇村養鵝道士謂羲之曰

久欲寫河上公老子兼素早辨而無人能書府君若

能自屈書道德經兩章便合群以奉於是羲之便停

半日為寫畢携鵝去晉書本傳亦著道士云為寫道

三六丁之集

卷一七

七



第云數紙尚可博白鶴而不云黃庭豈非覺其謬與  
 王氏法書苑伯思之論似若詳悉以予考之其說非  
 也蓋書黃庭經換鵝與書道德經換鵝自是兩事伯  
 思謂黃庭之傳在右軍死後此最失於詳審也道家  
 有黃庭內景經黃庭外景經及黃庭遁甲緣身經黃  
 庭玉軸經世俗例稱爲黃庭經內景經乃大道玉晨  
 君所作扶桑大帝君命賜谷神王傳魏夫人凡三十  
 六章卽真誥所言者外景經三篇乃老君所作卽右  
 軍所書者與魏夫人所傳初不同予家舊藏右軍所  
 書外景經石刻一卷凡六十行末云永和十三年五  
 月二十五日在山陰縣寫與小歐陽集古錄目校之  
 與文忠所藏本同則右軍之寫黃庭甚晚然緣諸公  
 考之未詳故未免紛紜如此伯思謂與梁武啟在著  
 真誥之前此又曲爲之辨也予又嘗於道藏中得務  
 成子註外景經一卷有序云晉有道士好黃庭之術  
 意專書寫常求序人聞王右軍精於草隸而復愛白  
 鵝遂以數頭贈之得其妙翰右軍逸興自縱未免脫  
 漏但美其書耳張君房所進雲笈七籤亦載此序此  
 最爲的據也蓋道德經是偶悅道士之鵝因爲之寫  
 若黃庭是道士聞其善書且喜鵝故以是爲贈以求

其書此是兩事頗分明緣俱以寫經得鵝遂使後人  
 指爲一事而妄起異論雅李太白知其爲二事故其  
 書右軍一篇而右軍本清真瀟灑出風塵山陰過羽  
 客要此好鵝賓掃素寫道經筆精妙入神書罷籠鵝  
 去何曾別主人此言書道德經得鵝也送賀賓客歸  
 越一篇云山陰道士如相見應寫黃庭換白鵝此言  
 書黃庭經得鵝也太白於兩詩亦各言之都未嘗誤  
 乃後人自誤也又程文簡演繁露云王羲之本傳以  
 書換鵝者道德經也文士用作黃庭人皆以爲誤張  
 彥遠法書要錄載褚遂良右軍書目正書第二卷有  
 黃庭經六十行與山陰道士其時真蹟故在旣可以  
 見其爲黃庭無疑又武平一徐氏法書記親在禁中  
 見武后曝太宗時法書六十餘函所記憶者扇書樂  
 毅告誓黃庭又徐浩古蹟記哀宗時大王正書三卷  
 以黃庭爲第一不聞道德經則傳之所云却誤程云  
 晉書傳誤者蓋未詳太自之詩故不知爲二事也琦  
 按白氏六帖右軍王羲之嘗見山陰道士有群鵝求  
 之乃邀右軍書黃庭經以換遂書之太平御覽何法  
 盛晉中興書曰山陰有道士養群鵝羲之意甚悅道  
 士云爲寫黃庭經當舉群相贈乃爲寫訖籠鵝而去

李太白文集 卷一  
仙傳拾遺山陰道士管霄霞籠紅鵝一雙遺羲之請書黃庭經太白所用似非誤記即謂仙傳拾遺或出於偽撰白氏六帖所引又不著本自何書自當以晉書所載為信然太平御覽所引何法盛晉中興書則又晉史之先鞭也豈亦不足信乎夫一經也或以為黃庭或以為道德一道士也或以為劉或以為管一鵝也或以為舉群或以為一雙蓋所謂傳聞異辭之故遐考一事兩傳者載籍固多有也乃取其一說而以訾其餘或以為太白之誤或以為晉書之誤或以為右軍換鵝本有二事或以為右軍初未嘗書黃庭經皆失之執矣又洪容齋四筆謂太白眼高四海衝口成章必不規規然檢閱晉史看逸少傳然後落筆正使誤以道德為黃庭於理正自無害夫詩之美劣原不關乎用事之誤與否然自壁微瑕不能不受後人之指摘若太白此詩則固未嘗有瑕者也故歷引昔人之論而辯晰之且以見考古者之不易也

送張遙之壽陽幕府

南郡天寶元年更名琦按壽春之名本自戰國史記楚世家考烈王徙都壽春正義曰壽春在

南壽州壽春縣是也壽陽之名起自東晉通典東晉以鄭皇后諱改壽春曰壽陽宜春曰宜陽富春曰富陽凡名春者悉改之唐時名壽春而太白用壽陽蓋襲用舊名耳史記索隱凡將軍謂之幕府者蓋兵門合施帷帳故稱幕府崔浩曰古者出征為將帥軍還則罷理無常處以幕帟為府署故曰幕府

壽陽信天險天險橫荆關符堅百萬眾遙阻八公山

不假築長城大賢在其間戰夫若熊虎破敵有餘閑

張子勇且英少輕衛霍辱投軀紫髯將千里望風顏

昂爾効才畧功成衣錦還

太平寰宇記壽陽城臨淝水北有八公山山北即淮水自東晉至今常為要害之地十六國春秋符堅銳意欲取江東遣征南大將軍陽平公融督驃騎將軍張蚝撫軍大將軍符方衛軍將軍梁成等率步騎二十五萬號稱三十萬為前鋒堅發長安戎卒六十餘

萬騎二十七萬前後千里旗鼓相望衆號百萬晉遣  
謝石為征虜將軍討大都督與前鋒都督謝玄西  
中郎將桓伊輔國將軍謝琰等水陸七萬相繼來拒  
堅與融登壽春城望之見晉兵部陣嚴整將士精銳  
又望見八公山上草木皆以為晉兵顧謂融曰此亦  
勁敵何謂弱也撫然始有懼色謝琰桓伊等以  
精卒八千涉淝水擊之仍進決戰於淮水南融馳  
騎畧陣馬倒為晉軍所殺軍遂大敗江南通志八公  
山在壽州城北五里淝水之北淮水之南漢淮南王  
安與其賓客八公俱登此山學仙今山有淮南王廟  
圖安及八公山像山以八公名蓋本於此符堅望晉兵  
見八公山草木皆旌旗狀即此山也三國志劉備以  
梟雄之姿而有闕羽張飛熊虎之將江表傳戰如熊  
虎不惜軀命蓋本於牧誓如虎如豹如熊如羆之義  
漢書張耳傳吾王虜王也孟康註冀州人謂懦弱為  
虜鮑照詩投軀報明主紫髯將軍是孫會稽詳見四  
卷註南史柳慶遠出為雍州刺史帝餞於新亭謂曰  
卿衣錦還鄉朕無西顧憂矣。虜士連切音近殘日

送裴十八圖南歸嵩山二首

地理今釋嵩山在河南府登封縣北

十里西接洛陽縣北接鞏縣東接開封府密縣界總一百五十里

何處可為別長安青綺門胡姬招素手延客醉

金樽臨當上馬時我獨與君言風吹芳蘭

折日沒鳥雀喧舉手指飛鴻此情難具論同歸無早

晚潁水有清源三輔黃圖長安城東出南頭第一門曰霸城門民見門色青名曰青城門

廟記曰霸城門亦曰青綺門乃更修飾刻木為綺椽雀於霸城門乃改為青雀門乃更修飾刻木為綺椽雀於因名青綺門風吹芳蘭折喻君子被抑不得伸其志也日沒鳥雀喧喻君暗而讒言競作也晉書郭瑛隱於臨松蘿谷張天錫遣使者孟公明持節以蒲車京纒備禮徵之公明至山瑛指翮鴻以示之日此鳥安可籠哉遂深逃絕跡舉手指飛鴻蓋用其事以明已將去之意謝靈運詩風潮難具論潁水出嵩岳之少室山詳見七卷註吳均詩濟水有清源桂樹多芳根劉履註清源水初出清淺處也

其二

君思潁水綠忽復歸嵩岑歸時莫洗耳為我洗其心

洗心得真情洗耳徒買名謝公終一起相與濟蒼生

高士傳許由堯名為九州長由不欲聞之洗耳於潁濱世說謝公屢違朝旨高臥東山諸人每相與言安石不肯出將如蒼生何

同王昌齡送族弟襄歸桂陽

一作同王昌齡崔國輔送李舟歸彬

州二首唐時桂陽州也隸江南西道

秦地見碧草楚謠對清樽把酒爾何思鷓鴣啼南園  
子欲羅浮隱猶懷明王恩躊躇紫宮戀孤負滄洲言  
終然無心雲海上同飛翻相期乃不淺幽桂有芳根

名山洞天福地記羅浮洞周圍五百里名未明耀真之天在惠州博羅縣八十里太平寰宇記羅浮山本是蓬萊山之一峰浮在海中與羅山合因名之山有洞通勾曲又有璇房瑤室七十二所裴淵廣州記云羅浮二山隱天惟石樓一路可登矣增巖躊躇猶豫也紫宮天子所居之宮以比天之紫微垣故曰紫宮吳均詩桂樹多芳根太白雖用其句然詩意則用淮南招隱士桂樹叢生山之幽也

其二

爾家何在瀟湘川青莎白石長江邊昨夢江花照江

日蕭本幾枝正發東窗前覺來欲往心悠然魂隨越

鳥飛南天秦雲連山海相接桂水橫烟不可涉送君

此去令人愁風帆茫茫隔河洲春潭瓊草綠可折西

寄長安明月樓瀟水出湖南廣道州之九疑山湘水出廣西桂林之海陽山至永州城西而

合流焉自湖南二水所經之地甚廣至長沙湘陰  
縣始達青草湖注洞庭與岷江之流合故湖之北漢  
河是主不得謂之瀟湘若湖之南皆可以瀟湘名之  
此詩送人歸桂陽而言爾家何在瀟湘川止是約畧  
所近之地而言之耳其實瀟湘之水在桂陽之下不  
能逆流而經桂陽也楚辭青莎雜樹兮蘋草蘼靡按  
莎草有二一是雀頭香其葉似幽蘭而絕細耐水旱  
樂蔓延雖拔心墮葉弗之能絕今之香附子是也一  
是夫須可為衣以遇雨今謂之蓑衣詩云南山有臺  
臺即此草是也水經註桂水出桂陽縣北界山壁  
高聳三面特峻石泉懸注瀑布而下北徑南平縣而  
東北流屈鍾亭右會鍾水通為桂水也故應劭口桂  
水出桂陽東北入湘按桂水出彬州桂東縣之小桂  
山下流合於來水來水至衡州府城北始與瀟湘合  
徐彥伯詩雲生陰海沒花落春潭空  
自傷瓊草綠詎惜鉛粉紅○莎音梭

送外甥鄭灌從軍三首

六博爭雄好彩來金盤一擲萬人開丈夫賭命報天

子當斬胡頭衣錦迴

演繁露博用六子楚辭謂之六博采本是采色之采指其文而言也如黑白之以色別雉犢之以物別皆采也投得何色其中程者勝因遂名之為采今俗語凡事小而幸得者皆以采各之義蓋起此也宋書劉毅家無擔石之儲樛蒲一擲百萬

其二

丈八蛇矛出隴西彎弧拂箭白猿啼破胡必用龍韜

策積甲應將熊耳齊

十六國春秋隴上人作壯士之歌曰丈八蛇矛左右盤十盪十決無當前說文弧木弓也淮南子楚王有白猿王自射之則搏矢而熙使項由墓射之始調弓矯矢未發而猿擁柱號矣太公六韜有龍韜後漢書赤眉忽遇大軍驚震不知所為乃遣劉棻乞降積兵甲宜陽城西與熊耳山齊

其三

丈八蛇矛出隴西彎弧拂箭白猿啼破胡必用龍韜

月蝕西方破敵時及瓜歸日未應遲斬胡血變黃河

水臬首當懸白鵠旗

左傳齊侯使連稱管至父戍葵邱瓜時而往曰及瓜而代漢書臬故塞王欣頭櫟陽市顏師古註臬懸首於木上也史記武王以黃鉞斬紂頭懸太白之旗白鵠旗未詳

送于十八應四子舉落第還嵩山

通典開元二十九年始於

京師置崇文館諸州置道舉生徒有差謂之道舉舉送課試與明經等京各百人諸州無常員習老莊文列謂之四子蔭第與國子監同唐會要開元二十九年正月十五日於京元皇帝廟置崇文學令習道德經莊子文子列子待習成後每年隨舉人例送名至省准明經考試通者准及第人處分

吾祖吹橐籥天人信森羅歸根復太素群動熙元和  
炎炎四真人擄辯若濤波交流無時寂楊墨日成科

夫子聞洛誦誇才才故多為金好踊躍久客方蹉跎

道可束

繆本作東

賣之五寶溢山河勸君還嵩邱開酌盼

庭柯三花如未落乘興一來過

楊齊賢曰吾祖老子也老子云天地之間

其猶橐籥乎又云萬物芸芸各復歸其根歸根曰靜列子太素者質之始也白虎通始起先有太初後有太始形兆既成名曰太素混沌相連視之不見聽之不聞潛夫論太素之時元氣窈冥形兆未成淮南子偃其聰明抱其太素舊唐書天寶元年莊子號為南華真人文子號為通元真人列子號為冲虛真人庚桑子號為洞虛真人其四子所著書改為真經班固荅賓戲馳辯如濤波擣藻如春華顏師古註大波曰濤摘布也莊子副墨之子聞諸洛誦之孫陸德明音義李云副墨可以副貳元墨也洛誦誦通也苞落無所不通也崔云皆古人姓名或寓言耳無其人也莊子大冶鑄金金踴躍曰我必為鏤錡大冶必以為不祥之金歸去來詞引壺觴以自酌盼庭柯以怡顏呂向註柯樹枝也初學記漢世有道士從外國將貝多

子來於嵩高西脚下種之有四樹與眾木有異一年三花白色香異。摘音痴

送別

尋陽五溪水沿洄直入巫山裏勝境由來人共傳君

到南中自稱美送君別有八月秋颯颯蘆花復益愁

雲帆望遠不相見日暮長江空自流蕭士贊曰巫山介乎夔峽二州

之間峽有青溪赤溪綠蘿溪滄浪溪姜詩溪為峽之五溪蓋謂別者由尋陽上五溪而入巫山也乃子見

指為武陵五溪恐失詩意武陵五溪由沅合湘瀘於洞庭至岳陽而後入江與巫峽地勢不相聯屬所引

非武陵五溪明矣琦按詩句五溪當在尋陽然無所考據按一統志五溪水在池州青陽縣西二十里源

出九華山五溪龍溪池溪漂溪雙溪瀾溪合流北入大江尋陽或是青陽之誤未可知楊氏以武陵之五

溪蕭氏以巫峽之五溪當之恐皆非是沿謂順水而下也洄謂逆水而上也王勃詩檻外長江空自流

送族弟綰一作瑄從軍安西通典安西都護府本龜茲國也大唐明慶

中置東接焉耆西連疏勒南鄰吐蕃北拒突厥

漢家兵馬乘北風鼓行而一作西破犬戎爾隨漢將

一作揮出門去剪虜若草收奇功君王按劍望邊色

旄頭已落胡天空匈奴繫頸數應盡明年應一作入

蒲桃宮漢書項籍傳我引兵鼓行而西必舉秦矣顏師古註鼓行謂擊鼓而行無畏懼也國語穆

王將征犬戎韋昭註犬戎西戎也文獻通考犬戎西戎之別名在荒服漢書昂曰旄頭胡星也賈誼傳陸

下何不試以臣為屬國之官以主匈奴行臣之計請必係單于之頸而制其命吳均詩匈奴數欲盡僕在

雁門關三輔黃圖蒲桃宮在上林苑西漢哀帝元壽三年單于來朝以太歲厭勝所在舍之即此宮也

送梁公昌從信安王蕭本缺北征冊府元龜開元二十年正

月以朔方節度副大使禮部尚書信安郡王禕  
為河東河北兩道行軍副大總管知節度事率  
兵討契丹率戶部侍郎裴耀卿諸副將分道統  
兵出范陽之北大破兩蕃之眾擒其酋長餘黨  
竄入山谷

入幕推英選捐書事遠戎高談百戰術鬱作萬夫雄

起舞蓮花劍行歌明月宮將飛天地陣兵出塞垣通

祖席留丹景征麾拂綵虹旋應獻凱入麟閣佇深功

世說郗生可謂入幕賓也史記外黃徐子謂太子曰  
臣有百戰百勝之術漢書音義晉灼曰古長劍首以  
玉作井鹿盧形上刻木作山形如蓮花初生未敷時  
吳均詩玉鞭蓮花劍六韜武王問太公曰凡用兵為  
天陣地陣奈何太公曰日月星辰斗柄一左一右一  
向一背此謂天陣邱陵水泉亦有前後左右之利此  
謂地陣塞垣邊牆也後漢書秦築長城漢起塞垣楊  
齊賢曰丹景日也張衡思京賦前祝融使舉麾兮自

註尚書曰右秉白旄以麾案執旄以指麾也秦漢以  
來卽以所執之旄名曰麾謂麾幢曲蓋者也范甯穀  
梁傳註麾旌幡也古今註麾所以指麾武王右執白  
旄以麾是也乘輿以黃諸公以朱刺史二千石以纁  
沈佺期詩天人開祖席朝宗候征麾劉子京詩將軍  
獻凱入歌舞溢重城通鑑漢紀甘露三年上以戎狄  
賓服思殷肱之美乃圖畫其人於麒麟閣法其容貌  
署其官爵姓氏霍光張安世韓增趙充國魏相丙吉  
杜延年劉德梁邱賀蕭望之蘇武凡十一人皆有功  
德知名當世是以表而揚之明著中興輔佐列於方  
叔名虎仲山甫焉陳子昂詩  
單于不敢射天子佇深功

送白利從金吾董將軍西征 唐書百官志左右  
金吾衛上將軍各

一人大將軍各一  
人將軍各二人

西羌延國討白起佐軍威劍決浮雲氣弓彎明月輝  
馬行邊草綠旌卷曙霜飛抗手凜相顧寒風生鐵衣



後漢書西羌之本出自三苗姜姓之別也其國近南岳及舜流四凶徒之三危河關之西南羌地是也濱於賜支至於河首綿地千里南接蜀漢徼外蠻夷西北鄯善車師諸國所居無常依隨水草地少五穀以產牧為業唐時則槩指吐蕃為西羌延遷延也史記白起者郿人也善用兵料敵合變出奇無窮聲震天下莊子天子之劍上決浮雲下絕地紀孔叢子子高游趙平原君客有鄒文李節者與子高相善及將還魯諸故人訣既畢文節送行三宿臨別文節流涕交頤子高徒抗手而已分背就路李善文選註抗手舉手而拜也古木蘭辭朔氣傳金柝寒光照鐵衣

送張秀才從軍

國史補進士通稱謂之秀才

六駿食猛武恥從駑馬群一朝長鳴去矯若龍行雲

壯士懷遠畧志存解世紛周粟猶不顧齊珪安肯分

抱劍辭高堂將投霍

蕭本作崔

冠軍長策掃河洛寧親歸

汝墳當令千古後麟閣著奇勲詩國風隰有六駿毛  
引山海經云有獸名駑如白馬黑尾鋸牙食虎豹然則此獸名駑而已言六駿者王肅曰言六據所見而言也北史張華原為兗州刺史先是州境數有猛獸為暴自華原臨政州東北七十里甌山中忽有六駿食猛獸成以為化感所致蕭士贇曰猛武當作猛虎唐國諱虎故以武易之楚辭將隨駑馬之跡乎楚辭章句駑鈍馬也後漢書情存遠畧志闢四方史記伯夷叔齊義不食周粟謝靈運詩弦高犒晉師仲連却秦軍臨組乍不緜對珪寧肯分李善註史記曰平原君欲封魯連連不肯受左太冲咏史詩曰臨組不肯緜對珪不肯分據仲連文雖不見分珪之事古者分爵皆隨其爵之輕重而賜之珪璧執以為瑞信今仲連不受齊趙之封爵明其不肯分珪也吳均詩僕本幽并兒抱劍事邊陲史記霍去病為剽姚校尉斬首虜二千二十八級及相國當戶斬單于大父行籍若侯產生捕季父羅姑比再冠軍以千六百戶封去病為冠軍侯揚子法言孝莫大於寧親詩國風

遵彼汝墳鄭康成周禮註水涯曰墳汝墳謂汝水之  
涯也後漢書郡國志汝陰本胡國註曰詩所謂汝墳  
也又應奉傳贊二憲克聰亦表汝墳蓋凡汝水之濱  
皆可謂之汝墳矣麟閣已見前註此詩當作於祿山  
寇陷洛陽之後

送崔度還吳度故人禮部員外國輔蕭本作之

子唐書藝文志崔國輔應縣令舉授許昌令集

賢直學士禮部員外郎坐王銍近親貶竟陵

郡司馬唐書品彙崔國輔吳郡人

幽燕沙雪地萬里盡黃雲朝吹歸秋雁南飛日幾群  
中有孤鳳雛哀鳴九天問我乃重此烏絲章五色分  
胡為雜凡禽雞鶩輕賤君舉手捧爾足疾心若火焚  
拂羽淚滿面送之吳江濱去影忽不見躊躇日將曛

孫萬壽詩被甲吳江濱○濱音焚

送祝八之江東賦得浣紗石太平御覽孔暉會稽記曰句踐索美女以獻吳王得諸暨苧羅山賣薪女西施鄭旦先教習於土城山山邊有石云是西施浣紗石太平寰宇記諸暨縣有苧羅山山下有石跡云是西施浣紗之所浣紗石猶在

西施越溪女明艷光雲海未一作入吳王宮殿時浣

紗古石一作石古今猶在桃李新開映古一作杏查菖蒲猶

短出平沙昔時紅粉照流水今日青苔覆落花君去

西秦適東越碧山清江幾趨忽若到天涯思故人浣

紗石上窺明月廣韻楂水中浮木也江總詩古查橫近澗危石聳前洲何遜詩野岸平沙

合連山遠霧浮王巾頭陀寺碑文東望平臯千里趨忽呂向註趨忽遠貌

送侯十一

朱亥已擊晉侯嬴尚隱身時無魏公子豈貴抱關人

余亦不火食遊梁同在陳空餘湛盧劍贈爾託交親

朱亥侯嬴事詳三卷註莊子孔子窮於陳蔡之間七日不火食吳越春秋楚昭王臥而寤得吳王湛盧之劍於牀不知其故乃召風胡子而問曰寡人臥覺而得寶劍不知其名是何劍也風胡子曰此謂湛盧之劍五金之英太陽之精寄氣託靈出之有神服之有威可以折衝拒敵然人君有逆理之謀其劍即出故去無道以就有道今吳王無道殺君謀楚故湛盧入楚

魯中送二從弟赴舉之西京

一作送族弟鏗

魯客向西笑君門若夢中霜凋逐臣髮日憶明光宮

復羨二龍去才華冠世雄平衢騁高足逸翰凌長風

舞袖拂秋月歌筵聞早鴻送君日千里良會何由同

桓譚新論人聞長安樂則出門向西而笑雍錄漢有明光宮三一在北宮與長樂宮相連者武帝太初四年起即王商之所指借欲以避暑者也別有明光宮在甘泉宮中亦武帝所起發燕趙美女三千人充之至尚書郎主作文書起草更直於建禮門內則近明光殿矣建禮門內得神仙門神仙門內得明光殿省中皆胡粉塗壁以丹漆地謂之丹墀尚書郎握蘭含雞舌香奏事此明光殿約其方向必在未央正宮殿中不與北宮甘泉設為奇玩者比則臣下奏事之地也琦按太白所用正指明光殿而借用宮字以趁韻耳世說謝子微見許子將兄弟曰平輿之淵有二龍焉謝靈運詩平衢修且直古詩何不策高足李善註高上也亦謂逸足也漢書高祖紀乘傳詣洛陽如淳註律四馬高足為置傳四馬中足為驢傳四馬下足為乘傳江淹詩桂水日千里因之平生懷陳子昂詩蜀山余方隱良會何時同

奉饞高尊師如貴道士傳道籙畢歸北海

道籙詳見

李太白文集 卷十一

十卷註唐時北海郡 卽青州也隸河南道

道隱不可見靈書藏洞天吾師四萬劫歷世遞相傳

別杖畱青竹行歌躡紫烟離心無遠近長在玉京懸

老子道隱無名河上公註道潛隱使人無能指名也 莊子道不可聞而非也道不可見而非也太平 御覽後聖道君列記曰刻以紫玉爲簡青金爲文龜 毋按筆真童拂筵玉童結編名曰靈書度人經此二 章並是諸天上帝及至靈魔王隱秘之音皆是大梵 之言非世上常辭言無韻麗曲無華宛上天所寶秘 於京都紫微上宮依玄科四萬劫一傳後漢書費長 房隨從壺公入深山長房辭歸翁與一竹杖曰騎此 任所之則自至矣既至可以杖投葛陂中長房乘杖 須臾來歸以杖投陂顧視則龍也玉京詳見五卷註

### 金陵送張十一再遊東吳

張翰黃花句風流五百年誰人今繼作夫子世稱賢

再動遊吳棹還浮入海船春光白門柳霞色赤城天

去國難爲別思歸各未旋空餘賈生淚相顧共悽然

張翰詩青條若總翠黃花如散金胡三省通鑑註白 門建康城西門也西方色白故以爲稱古楊叛曲暫 出白門前楊柳可藏鴉台州府志赤城山在天台縣 北六里一名燒山石皆霞色望之如雉堞因以爲名 孫綽賦所謂赤城霞起而建標是也支遁天台山銘 序曰往天台山當由赤城爲道而神邕山圖亦以赤 城山爲天台南門石城山爲西門也 漢書賈誼自傷爲傳無狀常哭泣

### 送紀秀才遊越

海水不滿眼觀濤難稱心卽知蓬萊石却是巨鰲簪

送爾遊華頂令余發易吟仙人居射的道士住山陰

禹穴尋溪入雲門隔嶺深綠蘿秋月夜相憶在鳴琴

李太白文集 卷十一 七

初學記玄中記曰東海之大者有巨鰲焉以背負蓬萊山周圍千里巨鰲巨龜也一統志華頂峯在天台縣東北六十里周圍百餘里高萬丈絕頂東望滄海俗名望海尖草木薰郁都非人世夏有積雪王粲登樓賦莊鳥顯而越吟見九卷註藝文類聚孔擘會稽記曰縣東南十八里有射的山遠望的有射射候故謂之射的射的之西有石室可方二丈謂之射室傳云羽客之所遊憩土人常以此占穀食貴賤射的明則米賤暗則貴諺曰射的白解一百射的京斛一千又云孔靈符會稽山記曰射的山西南水中有白鶴常為仙人取箭曾刮壤尋索遂成此山也書斷王義之性愛鵝山陰曇壤村有一道士養好者十餘王清旦乘小船往看之意大願樂乃告求市易道士不與百方譬說不能得之道士言性好道久欲寫河上公老子縑素早辦而無人能書府君若能自屈書道德經各兩章便合群以奉義之停半日為寫畢龍鵝而歸大以為樂方與勝覽禹穴在紹興府龍瑞宮之側東萊云大石中斷成罅殊不古殆非司馬子長所探也輟耕錄會稽陽明洞天在秦望山後禹廟之西南云即古禹穴越之勝境也諸峯環聳鬱盤空曲施

宿會稽志會稽山與委宛相接宛委山即禹穴號陽明洞天按舊經引吳越春秋東南天柱號委宛乃禹藏書處在會稽山南三里則宛委別一山也水經註山陰縣南有玉笥竹林雲門天柱精舍並疏山創基架林裁宇割澗延流盡泉石之好施宿會稽志雲門山在會稽縣南三十里舊經云晉義熙二年中書令王子敬居此有五雲見詔建寺號雲門山有謝敷宅何公井好泉亭王子敬山亭永禪師臨書閣

送長沙陳太守二首

唐長沙郡即潭州也隸江南西道

長沙陳太守逸氣凌青松英王賜五馬本是天

池龍湘水迴九曲衡山望五峰榮君按節去不及

得遠相從十六國春秋張謐幼有逸氣太守陸雲見而異之庾信春賦馬是天池之龍種水經

註衡山東南二面臨映湘川自長沙至此江湘七百  
里中有九背故渙者歌曰帆隨湘轉望衡九面藝文  
類聚湘中記曰遙望衡山如陣雲沿湘千里九向九  
背乃不復見通鑑地理通釋衡岳在潭州衡山縣西

李太白文集 卷一  
三十里衡州衡陽縣北七十里有五峰曰紫蓋天柱  
芙蓉石廩祝融子虛賦案節未舒素隱曰郭璞云言  
頓轡也司馬彪云按轡  
而行得節故曰按節

其二

七郡長沙國南連湘水濱定王垂舞袖地窄不迴身  
莫小二千石當安遠俗人洞庭鄉路遠遙羨錦衣春

按唐時潭州長沙郡衡州衡陽郡永州零陵郡連州  
連山郡道州江華郡郴州桂陽郡邵州邵陽郡此七  
郡者在秦漢時皆長沙故地定王舞袖事詳見十五  
卷註漢時太守秩二千石通典岳州巴陵縣有洞庭  
湖

送楊燕之東魯

關西楊伯起漢日舊稱賢四代三一作五公族清風播

人天夫子華陰居開門對玉蓮何事歷衡霍雲帆今

始還君坐稍解顏為我一作君歌此篇我固侯門士謬

登聖主筵一辭金華殿贈躋長江邊二子魯門東別

來已經年因君此中去不覺淚如泉後漢書楊震字

伯起弘農華陰人少好學明經博覽無不窮究諸儒謂之語曰關西  
孔子楊伯起永寧元年代劉愷為司徒延光三年代  
劉愷為太尉震子秉延熹五年代劉矩為太尉秉子  
賜熹平二年代唐珍為司空五年代表袁詵為司徒光  
和五年拜太尉賜子彪中平六年代表董卓為司空其  
冬代黃琬為司徒興平元年代表朱雋為太尉自震至  
彪四世太尉德業相繼與袁氏俱為東京名族云三  
公舊本或有作五公者楊註以三公為是琦按後漢  
書諸表事漢四世五公陳子昂梓州司馬楊君神道  
碑造震秉彪賜四代五公光烈昭於漢室盛德充於  
海內李頎詩漢家名臣楊德祖四代五公享茅土五  
公謂太傅太尉司徒司空大將軍也楊氏四世但為

三公未有登太傅大將軍之位不知諸書何以言之然其語則已所本未可以為誤也太平寰宇記華州華陰縣以在太華山之陰故名之華山有蓮花峰以形似蓮花故名玉蓮蓋指此或謂指玉女蓮花二峰而言或謂華山記云山頂有池生千葉蓮花服之羽化昌黎詩所謂太華峰頭玉井蓮花開十丈藕如船玉蓮似指玉井蓮也史記正義括地志云衡山一名岫嶺山在衡州湘潭縣西四十一里太平寰宇記霍山一名衡山一名岳註云即天柱山在壽州六安縣南五里爾雅霍山為南岳註云即天柱也漢武帝以衡山遼遠識緯皆以霍山為南岳故祭其神於此今其土俗皆呼南岳大山黃庭內景玉經曰霍山下有洞房二百里司命君之府也有西北東南二門其中有五香芝飛華金瓶之寶神瞻靈瓜食之者至京江南通志霍山在廬州府霍山縣西北五里漢武帝南巡以衡山遠阻移祭此山又名南岳山馬融廣成頌張雲帆施蛻疇列子夫子始一解顏而笑三輔黃圖未央宮有金華殿劉琨詩據鞍長嘆思淚下如流泉

送蔡山人

我本不棄世世人自棄我一乘無倪舟八極縱遠拖

燕客期躍馬唐生安敢譏採珠勿驚龍大道可暗歸

故山有松月遲爾翫清暉韻會倪極際也郭璞江賦凌波縱拖釋名船其尾曰

拖拖拖也後見拖曳也且弼正船使順流不使他展

也玉篇梳正船木也設於船尾與舵同一作拖戰國

策燕客蔡澤天下駿雄弘辯之士也史記蔡澤者燕

人也游學于諸侯小大甚眾不遇而從唐舉相曰若

臣者何如唐舉熟視而笑曰先王曷鼻巨肩黧顏蹙

顴膝學吾聞聖人不相殆先生乎蔡澤知唐舉戲之

乃曰富貴吾所自有吾所不知者壽也願聞之唐舉

曰先生之壽從今以往者四十三歲蔡澤笑謝而去

謂其御者曰吾持梁刺齒肥躍馬疾驅懷黃金之印

結紫綬於腰揖讓人主之前食肉富貴四十年足

矣莊子千金之珠必在九重之淵而驪龍頷下詳見

九卷註曹植詩遲奉聖顏李善註遲猶思也呂向註

遲待也。倪音涯。拖徒可切馱上聲。

送蕭三十一之魯中兼問稚子伯禽

六月南風吹白沙吳牛喘月氣成霞水國鬱一作蒸

不可處時炎道遠無行車夫子如何涉江路雲帆嫋

嫋金陵去高堂倚門望伯魚魯中正是趨庭處我家

寄在沙邱旁三年不歸空斷腸君行既識伯禽子應

駕小車騎白羊晉書惠帝元康中京洛童謡曰南風

起吹白沙遙望魯國何嗟峨千歲牖

體生齒牙理雅風俗通曰吳牛望月而喘言使之若

於日是故見月而喘蓋傷禽驚於虛茲疲牛望月而

喘物之憚怯見似而驚有如此者傳哀苦熱詩呼吸

氣鬱蒸程曉詩平生三伏時道路無行車戰國策王

孫賈之母曰汝朝出而晚來則吾倚門而望家語伯

魚之生也魯昭公以鯉魚賜孔子榮君之親故因名

鯉而字伯魚沙邱詳見十三卷註世說註衛玠

齡亂時乘白羊車於洛陽市上咸曰誰家璧人

送楊山人歸嵩山

元和郡縣志嵩高山在河南府告成縣西北二十二里登

封縣北八里亦名外方山東曰太室西曰少室

嵩高總名即中岳也山高二十里周回一百三

里

我有萬古宅嵩陽玉女峰長留一片月挂在東溪松

爾去掇仙草菖蒲花紫茸一作君行到此歲晚或相

訪青天騎白龍登封縣志太室二十四峰有玉女峰

莫能識江淹赤虹賦掇仙草於危峰鑄神丹於崩石

神仙傳嵩山石上菖蒲一寸九節服之長生抱朴子

菖蒲須得生石上一寸九節以上紫花者尤善謝靈

運詩新蒲含紫茸李善註倉頡篇曰茸草貌然此茸

謂蒲花也廣博物志瞿武後漢人也七歲絕粒服黃

精紫芝入峨眉山天竺真人授以真訣乘白龍而去

送殷淑三首

顏真卿元靜先生廣陵李君碑真

卿與先生門人中林子殷淑遺名

李太白文集卷十七



子章渠牟嘗接采真之游緒聞舍一之德云云是即此人也

海水不可解連江夜為潮俄然浦嶼闕岸去酒船遙

惜別耐取醉鳴榔且長謠天明爾當去應有便蕭本作便

有風飄韻會浦水濱也嶼海中洲也劉淵林吳都賦注嶼海中洲上有石山也潘岳西征賦鳴榔厲響李善註說文云榔高木也以長木叩船為聲所以驚魚令人網也一說榔船板也船行則響謂之鳴榔賤賓王詩鳴榔下貴洲沈佺期詩鳴榔曉帳前是也若太白此篇送客非觀漁停舟飲酒非挂帆長行所謂鳴榔者當是擊船以為

歌聲之節猶叩舷而歌之義

其二

白鷺洲前月天明送客迴青龍山後日早出海雲來

流水無情去征帆逐吹開相看不忍別更進手中杯

六朝事跡白鷺洲圖經云在城西南八里周迴十五里對江寧之新林浦景定建康志青龍山在城東南三十五里周迴二十里高九十九丈又溧陽縣界別有青龍山

其三

痛飲龍笻下燈青月復寒醉歌驚白鷺半夜起沙灘

送岑徵君歸鳴臯山

唐書地理志河南府陸渾縣有鳴臯山

岑公相門子雅望歸安石奕世皆夔龍中台竟一作有

三折至人達機兆高揖九州伯奈何天地間而作隱

淪客貴道能一作皆全真潛輝臥幽鄰一作鱗探元入窅

默觀化遊無垠光武有天下嚴陵為故人雖登洛陽

殿不屈巢由身余亦謝明主今稱偃蹇臣登高覽萬

古思與廣成鄰蹈海寧受賞還山非問津西來終一作

一搖扇共拂元規塵琦按岑參感舊賦序云國家六

令輔太宗鄧國公為文昌右相輔高宗汝南公為侍

中輔睿宗相承寵光繼出輔弼速乎武后臨朝鄧國

公由是得罪先天下中汝南公又得罪朱輪翠轂如夢

尚書父之象隋鄧文本鄧州棘陽人祖善方後梁吏部

江陵縣子從子長倩永淳中累官兵部侍郎同中書

門下平章事垂拱中拜文昌右相封鄧國公為來俊

臣所誣陷斬於市文本孫義累官至同中書門下三

品景雲間進侍中封南陽郡公義兄弟為國子司業

弟仲孫陝州刺史仲休商州刺史兄弟子姓在清要

者數十人義嘆曰物極則反可以懼矣然不能抑退

坐豫太平公王謀誅藉其家晉書謝安字安石自幼

有公輔之望楊齊賢曰奕世累世也晉書天文志永

康元年三月中台星坼占曰台星失常三公憂趙王

倫尋廢殺賈后斬司空張華歐陽建詩古人達機兆

孔安國尚書傳敘敘民九州之伯晉書桓玄曰父為

九洲伯兒為五湖長桓譚新論天下神人五一日神

仙二曰隱淪謝靈運詩既在隱淪客莊子子之道在

狂汲汲詐巧虛偽事也非可以全真也又曰至道之

精窈窕冥冥至道之極昏昏默默淮南子上游於霄

雲之野下出於無垠之門高誘註無垠無形狀之貌

袁宏後漢紀伏見太原周黨使者三聘乃肯就車坐

下親見諸庭黨伏而不謁偃蹇自高遂求退後漢

書偃蹇反俗章懷太子註偃蹇驕傲也嚴子陵廣成

子及魯仲連欲蹈東海事俱見二卷註晉書庾亮雖

居外鎮而執朝廷之權既據上流擁強兵趣向者多

歸之王導內不能平常遇西風塵起舉

扇自蔽徐曰元規塵汚人。音音杏

送范山人歸太山地里今釋泰山在今山東

魯客抱白鶴一作別余往太山初行若片雪一作杏

在青崖間高高至天門日觀一作近可攀雲生蕭本

望不及此去何時還抱朴子欲求芝草入名山帶靈

寶符牽白犬抱白雞以白鹽一

李太白文集

卷十一

三

斗及開山符檄著大石上續博物志陶隱居云學道  
 之七居山宜養白雞白犬可以辟邪後漢書祭祀志  
 馬第伯封禪儀記曰是朝上泰山至中觀去平地二  
 十里南向極望無不視仰望天闕如從谷底仰視抗  
 峰其為高也如視浮雲其峻也石壁窅窅如無道徑  
 遙望其人端如行朽兀或如白石或如雪久之白者  
 移過樹乃知是人也初學記太山記云盤道屈曲而  
 上凡五十餘盤經小天門大天門仰視天門如從穴  
 中視天窗矣自下至古封禪處凡四十里山頂西巖  
 為仙人石問東巖為介邱東南巖名日觀日觀者雞  
 一鳴時見日始  
 欲出長三丈所

李太白文集卷十七

李太白文集卷之十八

錢塘 王琦琢崖輯註

濟 魯川較

古近體詩共三十五首

送韓侍御之廣德

繆本德字下多一令字。唐書地理志江南西道宣城郡

有廣德縣本綏安縣至德二載更名廣德

昔日繡衣何足榮今宵貰酒與君傾暫就東山賒月

色酣歌一夜送泉明

漢書侍御史有繡衣直指出討奸猾治大獄顏師古註衣以繡

者尊寵之也漢書高帝紀嘗從王媼武負貰酒顏師古註貰賒也陶淵明嘗為彭澤令故用之以擬韓侍御也野客叢書海錄碎事謂淵明一字泉明李白詩多用之不知稱淵明為泉明者蓋避唐高祖諱耳猶

李太白文集 卷之八  
楊淵之稱楊泉非一字泉明也齊東野語高祖諱淵淵字盡改爲泉楊升菴曰今人改泉明爲泉聲可笑○貫始制切音世又神夜切音射義同

白雲歌送友人

楚山秦山多白雲白雲處處長隨君君今還入楚山

裏雲亦隨君渡湘水水上女蘿衣白雲早臥早行君

早起蕭士贊曰此詩已見七卷特首尾數語不同而此則尾語差拙恐是初本未經改定者今兩存之

送通禪師還南陵隱靜寺

太平府志隱靜寺在繁昌縣東南二十里

隱靜山一名五峰寺山有碧霄桂月鳴磬紫氣行道五峰寺當五峰之會巖峴拱合林木幽奇古澗委折殷雷轟地相傳寺爲杯渡禪師所建飛錫定基江神送木現諸神異寺外有十里松

徑傳云禪師手植或曰距寺二里許有雙松對峙勢若虬龍者卽師手澤又嘗取新羅五葉松種寺西迄今尚存舊誌又言寺有朗公橋杯渡所携頻伽鳥一雙皆晉宋遺跡又有水米鹽醬等池言蒯寺時諸物皆從此出云舊額云江東第二禪林按繁昌縣南唐時析南陵分置在唐時尚屬南陵

我聞隱靜寺山水多奇蹤巖種朗公橋門深杯渡松

道人制猛虎振錫還孤峰他日南陵下相期谷口逢

釋氏要覽智度論云得道者名爲道人餘出家未得道者亦名道人法苑珠林晉沙門于法蘭高陽人也嘗夜坐禪虎入其室因躡牀前蘭以手摩其頭虎奮耳而伏數日乃去沈約法王寺碑振錫經行祇林宴坐錫釋家所執錫杖一名德杖一名智杖有金環繞之作錫錫聲行時以節步趨者

送友人

李太白文集

卷之八

二

青山橫北郭白水遶東城此地一為別孤蓬萬里征  
浮雲遊子意落日故人情揮手自茲去蕭蕭班馬鳴  
鮑照蕪城賦孤蓬自振驚砂坐飛浮雲一往而無定  
跡故以此游子之意落日即山而不遽去故以此故  
人之情詩小雅蕭蕭馬鳴左傳有班馬之聲杜預註  
班別也至客之馬將分道而蕭蕭長鳴亦若有離群  
之感畜猶如此人何以堪

送別

斗酒渭城邊壚頭醉不眠梨花千樹雪楊葉萬條烟  
惜別傾壺醕臨分贈馬鞭看君穎上去新月到應  
作水經註長安故咸陽也漢高帝更名新城武帝  
家元鼎三年別為渭城在長安西北渭水之陽史  
記正義括地志云咸陽故城亦名渭城在雍州北五  
里今咸陽縣東十五里太平寰宇記故渭城在今縣

東北二十二里渭水北即秦之杜郵其城周八里秦  
自孝公至始皇皆都於此城武帝元鼎三年更名渭  
城後漢省併地入長安故此城存史記集解韋昭曰  
壚酒肆也以上為墮邊高似壚漢書註如淳曰酒家  
開肆待客設酒壚故以壚名肆臣瓚曰盧酒瓮也師  
古曰二說皆非也盧者賣酒之區也以其一邊高形  
如鍛家壚故取名耳非即謂火壚及酒瓮也初學記  
醕首酒也玉篇醕美酒也正字通俗呼醕為尾酒醕  
為頭酒河南道潁川汝陰郡有潁上縣太平寰宇記  
潁上縣以地枕潁水上游為名○滄浪詩話太白詩  
斗酒渭城邊壚頭醉不眠乃岑參之詩誤編入琦按  
文苑英華亦以此詩為岑參作題云送楊子岑集亦  
之載

江上送女道士褚三清遊南岳

衡山縣西北三十里接  
衡陽縣及長沙府界

吳江女道士頭戴蓮花巾霓衣繆本作裳不濕雨特異陽

臺雲繆本足下遠遊履凌波生素塵尋仙蕭本作向

南岳應見魏夫人太平御覽登真隱訣曰太元上丹靈玉女戴紫華芙蓉巾巫山神女

旦為朝雲暮為行雨朝朝暮暮陽臺之下詳見二卷註洛神賦踐遠游之文履曳露綃之輕裾凌波微步

羅韞生塵呂向註遠遊履名步於水波之上如生塵也南岳魏夫人傳魏夫人者晉司徒劇陽文康公舒

之女名華存字賢安幼而好道靜默恭謹志慕神仙朱真耽哀欲求冲舉吐納氣液攝生夷靜任世八十

三年以晉成帝咸和九年歲在甲午太乙元仙遣騰車來迎夫人乃託劍化形而去位為紫虛元君領上

真司命南岳夫人比秩仙公使治天台大霍山洞臺中主下訓奉道教授當為仙者男曰真人女曰元君

送友人入蜀

見說蠶叢路崎嶇不易行山從人面起雲傍馬頭生

芳樹籠秦棧春流遶蜀城升沉應已定不必問繆本作訪

君平

蠶叢蜀王之先詳見三卷蜀道難註李善文選註通俗文曰板閣曰棧史記去輒燒絕棧道索

隱曰棧道閣道也音士諫反包愷音士版反崔浩云險絕之處傍鑿山巖而施板梁為閣琦按入蜀之道

山路懸險不容坦行架木而度名曰棧道以其自秦入蜀之道故曰秦棧水經註成都縣有二江雙流郡

下故揚子雲蜀都賦曰兩江其前者也高士傳嚴遵字君平蜀人也隱居不仕嘗賣卜於成都市日得

百錢以自給卜訖則閉肆下簾以著書為事徐而菴曰山從二句是承上崎嶇不易行五字勿作好景

會

送趙雲卿

白玉一杯酒綠楊三月時春風餘幾日兩鬢各成絲

秉燭唯須飲投竿也未遲如逢渭川獵猶可帝王師

此篇與十二卷內贈錢徵君少陽詩無一字差異蓋編者重入未刪

送李青歸華陽川

胡三省通鑑註華陽川在魏州華陽山南雍勝畧華陽水

在漢中府褒城縣西二十五里源出牛頭山南流與漢水合蕭本作南葉陽川誤

伯陽仙家子容色如青春日月祕靈洞雲霞辭世人

化心養精魄隱几宵天真莫作千年別歸來城郭新

列仙傳老子姓李名耳字伯陽陳人也生於殷時為周柱下史轉為守藏史積八十餘年史記云二百餘年時稱隱君子江淹詩隱淪駐精魄莊子南郭子綦

隱几而坐陸德明音義隱憑也丁令威歌去家千年

今始歸城郭如故人民非

送舍弟

吾家白額一作馬

駒遠別臨東道他日相思一夢君應

得池塘生春草

魏志曹休聞行北歸見太祖謂左右曰此吾家千里駒也吾家白額

駒即吾家千里駒之意而改用李氏事耳晉書武昭

王諱嵩字玄盛姓李氏漢前將軍廣之十六世孫也

嘗與太史令郭磨及其同母弟宗繇同宿磨起謂繇

曰君當位極人臣李君有國土之分家有駟草馬生

白額駒此其時也呂光末京兆段業自稱涼州牧以

燉煌太守孟敏為沙州刺史署玄盛燉煌太守玄

護軍郭謙等以玄盛温毅有惠政推為燉煌太守玄

盛初難之宗繇言於玄盛曰君忘郭磨之言耶白額

駒今生矣玄盛乃從之謂靈運夢見從弟

惠連得池塘生春草句詳見十一卷註

送別得書字

水色南天遠舟行若在虛遷人發佳興吾子訪閑居

日落看歸鳥潭澄羨一作躍魚聖朝思買誼應降紫

泥書漢書賈誼為長沙王太傅後歲餘帝思誼微之紫泥用之以封璽書見七卷註

送鞠十少府

李太白文集 卷十八 五

試發清秋興因為吳會吟碧雲斂海色流水折江心  
我有延陵劍君無陸賈金艱難此為別惆悵一何深  
新序延陵季子將西聘晉帶寶劍以過徐君詳見十  
二卷註漢書陸賈有五男出所使越橐中裝賣千金  
分其子子二百  
金令為生產

送張秀才謁高中丞并序

余時繫尋陽獄中正讀留侯傳秀才張孟熊蘊滅  
胡之策將之廣陵謁高中丞余喜子房之風感激  
於斯人因作是詩以送之  
史記世家第二十五為  
留侯世家曰留侯傳蓋  
變稱也舊唐書高適者渤海蓆人也為諫議大夫  
負氣敢言上皇以諸王分鎮適切諫不可及永王  
叛肅宗聞其論諫有素召而謀之適因陳江東利  
害永王必敗上奇其對以適兼御史大夫揚州大

都督府長史淮南節度使詔與江東節度來瑱率  
本部兵平江淮之亂會於安州師將渡而永王敗  
適喜言王霸大畧務功名尚節義逢時多難  
以安危為已任然言過其實為大臣所輕  
秦帝淪玉鏡一作六雄  
減金虎留侯降氛氳感激黃石老經

過滄海君壯士揮金槌報讎六國縵本  
作合聞智勇冠終

古蕭陳難與群兩龍爭鬪時天地動風雲酒酣一作  
縱橫

舞長劍倉卒解漢紛宇宙初倒懸鴻縵本  
作洪溝勢將分

英謀信奇絕夫子揚清芬一作夫子稱卓  
絕超然繼清芬胡月人紫

微三光亂天文高公鎮淮海談笑却縵本  
作廓妖氛採爾

幕中畫戡難光殊勲我無燕霜感玉石俱燒焚但灑

一行淚臨岐竟何云尚書帝命驗桀失玉鏡用其噬  
虎鄭康成註玉鏡謂清明之道



李太白文集卷之八  
史記留侯世家留侯張良者其先韓人也秦滅韓良  
悉以家財求刺客刺秦王為韓報仇以大父父五世相  
韓故良嘗學禮淮陽東見倉海君得力士為鐵椎重  
百二十斤秦皇帝東遊良與客狙擊秦皇帝博浪沙  
中誤中副車秦皇帝大怒大索天下求賊甚急良乃  
更姓名亡匿下邳嘗從容步游下邳圯上有一老父  
衣褐至良所直墮其履圯下顧謂良曰孺子下取履  
良愕然欲歐之為其老強忍下取履父曰孺子下取履  
為取履因長跪履之為其老強忍下取履父曰孺子下取履  
目之父去里所復還曰孺子可教矣後五日平明與  
我會此良因怪之跪曰諾五日平明往父已先在  
怒曰與老人期後何也後五日早會五日雞鳴良往  
未半往有頃父亦來喜曰當如是出一編書曰讀此  
則為王者師矣後十年興亡當如是出編書曰讀此  
城山下黃石即我矣遂去不復見且目視其書乃太  
公兵法也項羽本紀項羽兵四十萬在新豐鴻門沛  
公兵十萬在霸上范增說項羽急擊勿失項伯者項  
羽季父也素善張良乃夜馳之沛公軍私見張良具  
告以事欲呼張良與俱去母從俱死良曰沛公有急

去不義不可不語良乃入具告沛公出要項伯入  
見沛公奉卮酒為壽約為婚姻曰願伯具言臣之不  
敢倍德也項伯許諾謂沛公曰且日不可不蚤自來  
謝且日從百餘騎來見項王至鴻門謝項王因留沛  
公與飲范增出名項莊謂曰若入前為壽壽畢請以  
劍舞因擊沛公於坐殺之莊則入為壽壽畢曰軍中  
無以為樂請以劍舞項王曰諾項莊拔劍起舞項伯  
亦拔劍起舞常以身翼蔽沛公莊不得擊張良至軍  
門見樊噲噲曰今日之事何如良曰甚急項莊拔劍  
舞其意常在沛公也噲曰此迫矣臣請入與之同命  
噲即帶劍擁盾入軍門須臾沛公起如廁因招樊噲  
出於是遂去令張良謂謝漢四年項王與漢約中分  
天下割鴻溝以西者為漢鴻溝而東者為楚項王已  
約乃引兵解而東歸漢欲西歸張良陳平說曰漢有  
天下大半諸侯皆附之楚兵罷食盡此天亡楚之時  
也如因其飢而遂取之今釋弗擊此所謂養虎自  
遺患也漢王聽之漢書音義倉海君晉灼曰海神也  
如淳曰秦郡縣無倉海或曰東夷君長也顏師古曰  
二說並非蓋當時賢者之號也琦按史記漢書載博  
浪沙事並云鐵椎惟水經註云張良為韓報仇於秦

以金椎擊秦始皇不中其副車駱賓王詩金椎許  
報韓蓋出於此漢書張良傳贊聞張良之智勇以為  
其貌魁梧奇偉反若婦人女子盧諶詩智勇冠當代  
史記彭越傳兩龍方鬪且待之說文酣酒樂也應劭  
曰不醉不醒曰酣晉書月為胡王陳書陳寶應起兵  
沙門惠標作五言詩以送之曰匹馬猶臨水離騎稍  
引風好看今夜月當入紫微宮陳書文參禮樂武定  
妖氛謝瞻詩婉婉幕中畫廣韻懋勝也克也太平御  
覽鄒衍事燕惠王盡忠左右譖之王繫之仰天而哭  
夏五月天為之降霜書亂征火炎崑岡玉石俱焚。  
戡音

尋陽送弟昌峒繆本鄱陽司馬作鄱陽唐時郡名即饒州也  
隸江南西道為上州  
有司馬一人從五品

桑落洲渚連滄江無雲烟尋陽非剡水忽見子猷船  
飄然繆本作欲相近來遲若仙人乘海上月帆落

湖中天一覩無二諾朝歡更勝昨爾則吾惠連吾非  
爾康樂朱紱白銀章上宮佐鄱陽松門拂中道石鏡  
迴清光搖扇及干越水亭風氣涼與爾期此亭期在  
秋月滿時過或未來兩鄉心已斷吳山對楚岸彭蠡  
當中州相思定如此有窮盡年愁

太平寰宇記桑落洲在舒州宿松縣西南一百九十四里江水始自鄂陵分派為九於此合流謂之九江口此洲與江州尋陽縣分中流為界一統志桑落洲在九江府城東北過江五十里昔江水泛漲流一桑於此因名王子猷乘船往剡溪訪戴安道詳見九卷註魏徵詩季布無二諾侯嬴重一言宋書謝惠連幼有才悟而輕薄不為父方明所知靈運嘗自始寧至會稽造方明過視惠連大相咨賞謂方明日阿連才悟如此而尊作常見之韻會紱綬也增韻印組也章印章也朱紱銀章詳見十一卷贈劉都使詩註凡除官到任謂之上官司馬州之佐職

江西通志松門山在南昌府城西北二百十五里枕鄱湖之東兩岸悉生松遙望如門故名上有石鏡光可照人謝康樂詩攀崖照石鏡牽葉入松門是也太平寰宇記干越渡在餘干縣西南一百二十步置津吏主守四時不絕干越亭在餘干縣東南三十步屹然孤立古今游者多留題章句焉江西通志干越亭在饒州府餘干縣羊角山文公談苑云前瞰琵琶洲後枕思禪寺林麓森鬱干峰競秀唐初張彥俊建通鑑地理通釋彭蠡在江州潯陽縣括地志在縣東南五十里六典註一名宮亭湖在南昌府星子縣南江州彭澤縣西地理志在豫章郡彭澤縣西郡縣志在都昌縣西六十里與潯陽縣分湖為界禹貢揚州彭蠡既潯即江漢所匯之澤合江西江東諸水跨豫章饒州南康軍三州之地

錢校書叔雲

少年費白日歌笑矜朱顏不知忽已老喜見春風還惜別且為懽徘徊桃李間看花飲美酒聽鳥臨晴山

向晚竹林寂無人空閉關

晉書阮咸任達不拘與叔父籍為竹林之游閉關猶閉門也江淹恨賦閉關却掃塞門不仕

送王孝廉覲省

彭蠡將天合姑蘇在日邊寧親候海色欲動孝廉船窈窕晴江轉參差遠岫連相思無晝夜東注蕭本作泣似

長川

江西志鄱陽湖在南昌府城東北一百五十里卽禹貢之彭蠡也一名宮亭湖一名揚瀾湖跨南昌饒州南康三郡合上流諸水入焉周圍數百里闊四十里長三百里每春夏之間江漢水漲則彭蠡之水鬱不得流而逆回倒積遂成巨浸瀰渺數百餘里無復畔岸逮夫二水漸消則彭蠡之水始出大江循南岸而行與二水頡頏趨海韻會將與也鮑照登大雷岸與妹書長波天合楊齊賢曰姑蘇蘇州吳郡以其近東海日出之地故云日邊法言孝莫大於寧親世說張憑舉孝廉出都負其才氣謂必參時彥欲

諸劉尹鄉里及同舉者共笑之張遂詣劉清言彌日  
因留宿至曉劉曰卿且去正當取卿共詣撫軍張還  
船同侶問何處宿張笑而不荅須臾  
真長遣傳教覓張孝廉船同侶宛愕

同吳王送杜秀芝舉入京  
按詩題當是送杜秀才赴舉入京芝字疑

秀才何翩翩王許回也賢暫別廬江守將遊京兆天

秋山宜落日秀水出寒烟欲折一枝桂還來雁泊前

廬江郡名即廬州也隸淮南道通典雍州開元三年  
改為京兆府凡周秦漢晉西魏後周隋至於我唐並  
為帝都晉書郊詵曰臣舉賢良對策為天下第一猶  
桂林之一枝崑山之片玉西京雜記梁孝王築兔園  
園中有雁池池間有鶴洲鬼渚其諸宮觀相連延亘  
數十里奇果異樹瑰禽怪獸畢備王與宮人賓客弋  
釣其中

洞庭醉後送絳州呂使君杲  
蕭本作果流澧州  
湖廣

庭湖在岳州西南綿跨八百里絳州又謂之絳  
郡隸河東道澧州在澧水之陽又謂之澧陽郡  
隸山南東道在京師東南一千八百九十三里

昔別若夢中天涯忽相逢洞庭破秋月縱酒開愁容  
贈劍刻玉字延平兩蛟龍送君不盡意書及雁迴峰

中華古今註晉時斗牛間常有紫氣張華知是劍氣  
乃以雷煥為豐城令煥到縣掘獄深得劍兩枚一  
送與張華一煥自佩後華死子韙佩過延平津躍入  
水使人尋之乃見化為龍也雷煥卒子亦佩之於延  
平津亦躍入水化為龍矣方輿勝覽回雁峰在衡陽  
之南雁至此不過遇春而回故名或曰峰勢如雁之  
回湖廣志回雁峰在衡州府城南里許相傳雁不過  
衡陽至此而回然聞桂林間尚有雁聲知此說非矣  
或謂峰之形勢如雁回轉者是也南岳  
周環八百里迴雁為首岳麓為足云

與諸公送陳郎將歸衡陽并序。按唐書百官志左右十四衛及太

子左右六率府皆有郎將乃五品官也

衡陽唐時郡名即衡州隸江南西道

仲尼旅人文王明夷苟非其時聖賢低眉况僕之

不肖者而遷逐枯槁固非非字疑當作亦其宜朝心不開

暮髮盡白而登高送遠使人增愁陳郎將義風凜

然英思逸發來下曹城之榻去邀才子之詩動清

興於中流泛素波而徑去諸公仰望不及連章祖

之序慙起予輒冠名賢之首作者嗤我乃為撫掌

之資乎京氏易傳易曰旅人先笑後號咷又曰得其資谷仲尼為旅人固可知矣周易明入地中明夷內文明而外柔順以蒙大難文王以之周易集解鄭玄曰夷傷也日出地上其明乃光至

其入地明則傷矣故謂之明夷日之明傷猶聖人君子有明德而遭亂世抑在下位則宜自艱無幹政事以避小人之害也荀爽曰明在地下為坤所蔽大難之象文王君臣相事故當大難也王弼易註文王明夷則主可知矣仲尼旅人則國可知矣高唐賦登高望遠使人心悴晉書左思賦三都初陸機入洛欲為此賦聞思作之撫掌而笑與弟雲書曰此間有倉父欲作三都賦須其成當以覆酒甕耳及思賦出機絕嘆伏以爲不能加也遂輟筆焉王羲之與謝萬書語田里所行故以爲撫掌之資其爲得意可勝言耶

衡山蒼蒼入紫冥下看南極老人星迴颺吹散五峰

雪往往飛花落洞庭氣清岳秀有如此郎將一家拖

金紫門前食客亂浮雲世人皆比孟嘗君江上送行

無白壁臨岐惆悵若爲分方輿勝覽南岳一名衡山在衡山縣西三十里晉因

李太白文集 卷一  
山以名郡湘中記度應斗衡位值離宮故曰衡山又  
名霍山南岳記衡山者朱陵之靈臺太虛之寶洞上  
承聖軫鈴總萬物故名衡山下踞離宮統攝火鄉故  
號南岳赤帝館其嶺祝融宅其陽逮於軒轅以潛霍  
二山副焉長沙記衡山軒翊聳拔九千餘丈尊卑參  
差七十二峰巖洞溪澗泉石之勝交錯其中又有數  
十洞十五巖三十八泉二十五溪九池九潭六源八  
橋六井三穿三漏此最著者七十二峰最高水經注湘水  
融紫蓋雲密石廩天柱而祝融為最高水經注湘水  
又北徑衡山縣東山在西南有三峰一名紫蓋一名  
石廩一名容峰容峰最為竦傑自遠望之蒼蒼隱天  
故羅含云望若陳雲自非清霽素朝不見其峰丹水  
湧其左醴泉流其右山經謂之响嘯山為南岳也史  
記天官書狼北地有大星曰南極老人一星在弧南一  
常以秋分時候之於南郊晉書老人一星在弧南一  
曰南極常以秋分之於南郊晉書老人一星在弧南一  
見則治平主壽昌魏書發響九皇翰飛紫冥謝靈運  
詩迴飈流輕雪陸機謝平原內史表懷金拖紫退就  
散輩後漢書聖恩橫加猥賜金紫章懷太子註漢官  
儀曰二千石金印紫綬也史記孟嘗君在薛招致諸

侯賓客及亡人有罪者皆歸孟嘗君孟嘗君舍業厚  
遇之以故傾天下之士食客數千人無貴賤一與文  
等呂氏春秋郈成子為魯聘於晉過衛  
右宰穀臣止而觴之酒酣而送之以璧

### 送趙判官赴黔府中丞叔幕

督本管經畧等使國珍有武畧習知南方地形  
在五溪凡十餘年中原興師惟黔中封境無虞  
通鑑黔中節度使趙國珍本牂夷也胡三省  
註趙國珍牂夷節度以國珍有方畧授黔中都督  
國忠兼劍南節度天下方亂其所部獨寧所謂黔  
護五溪十餘年歟中丞是其兼銜耳唐書地  
府中丞者即其人歟中丞是其兼銜耳唐書地  
理志黔州黔中郡下都督府本黔安郡天寶元  
年更名。  
黔音琴

廓落青雲心結交黃金盡富貴翻相忘令人忽自哂  
蹭蹬鬢毛斑盛時難再還巨源咄石生何事馬蹄間

綠蘿長不厭却欲還東山君為魯曾子拜揖高堂裏

叔繼趙平原偏承明主恩風霜推一作摧獨坐旌節鎮

雄藩虎士秉金鉞蛾眉開玉樽才高幕下去義重林

中言水宿五溪月霜啼三峽猿東風春草綠江上候

歸軒宋玉九辯靡落兮羈旅而無友生呂延濟註廓

河內懷人也州辟部河南從事與石鑿共宿濤夜起

蹴鑿曰今為何等時而眠耶知太傅臥何意鑿曰宰

相三不朝與尺一令歸第卿何慮也濤曰岫石生無

事馬蹄問耶投傳而去未二年果有曹爽之事又晉

書謝安雖受朝寄然東山之志始末不渝每形於言

色史記曾參南武城人孔子以為能通孝道故授之

業作孝經平原君趙勝者趙之諸公子也諸子中勝

最賢喜賓客賓客至者數千人漢時御史中丞與司

隸校尉尚書令會同得專席而坐詳見十卷註舊唐

書天寶中緣邊禦戎之地置入節度使受命之日賜

之旌節謂之節度使得以專制軍事外任之重無比

焉新唐書百官志節度使辭曰賜雙旌雙節行則建

節豎六纛入境州縣築節樓迎以鼓角虎士有力之

士詳見八卷註詩商頌有虔秉鉞秉執也陸雲吳故

丞相陸公隸金鉞鏡日雲旗絳天晉書阮咸任達不

拘與叔父籍為竹林之遊謝靈運詩水宿淹晨暮呂

延濟註水宿宿舟中也通典黔中自古蠻夷之國春秋

戰國皆楚地秦惠王欲楚黔中地以武關外易之卽

此是也通謂之五溪註云五溪謂酉辰巫武沅五溪

也水經註宜都記曰自黃牛灘東入西陵界至峽口

一百許里山水紆曲兩岸高山重嶂非日中夜半不

見日月絕壁或千許丈其石彩色形容多所像類林

送陸判官往琵琶峽

曉音律

鄉婦女皆

方輿勝覽琵琶峽在巫山對蜀江之南形如琵琶此

水國秋風夜殊非遠別時長安如夢裏何日是歸期  
楊升菴曰太白詩天山三丈雪豈是遠行時又曰水國秋風夜殊非遠別時豈是殊非變幻二字愈出愈奇孟蜀韓琮詩晚日低霞綺晴山遠畫眉青青河畔草不是望鄉時亦祖太白句法

送梁四歸東平

東平唐時郡名卽鄆州也隸河南道

玉壺契美酒送別強爲歡大火南星月長郊北路難

殷王期負鼎汶水起垂竿莫學東山臥參差老謝安

六經天文編夏氏曰仲夏之月初昏之時大火見於南方正午之位史記阿衡欲干湯而無由乃爲有莘氏滕臣負鼎俎以滋味說湯致於王道越絕書伊尹負鼎入殷遂佐湯取天下春秋正義釋例曰汶水出泰山萊蕪縣西南經濟北至東平須昌縣入濟行水金鑑述征記云泰山郡水皆名汶今縣界有五汶皆源別而流同其原山之汶水西南流經乾封縣治南去縣三里又西南流九十里入鄆州中都縣按五汶

者曰北汶小汶柴汶牟汶其一則經流也謝安高臥東山見七卷註

江夏送友人

江夏唐時郡名卽鄂州也屬江南西道

雪點翠雲裘送君黃鶴樓黃鶴振玉羽西飛帝王州

鳳無琅玕實何以贈遠遊徘徊相顧影淚下漢江流

宋玉諷賦翳承日之華披翠雲之裘揚齊賢曰黃鶴樓在鄂州圖經云費文禕得仙駕黃鶴憩此鮑照舞鶴賦振玉羽而臨霞琅玕實見二卷註

送郗昂謫巴中

按羊士謬詩集有詩題云乾元初嚴黃門自京兆少尹貶巴州

刺史云云詩下註云時郗詹事昂自拾遺貶清化尉黃門年三十餘且爲府主與郗意氣友善賦詩高會文字猶存又李華楊騎曹集序刑部侍郎長安孫公述以文章之冠爲考功員外郎精試群材君與南陽張茂之京兆杜鴻漸琅邪顏真卿蘭陵蕭穎士河東柳芳天水趙驊頓邱



李璠趙郡李學李頎南陽張階常山閭  
防范陽張南容高平郗昂等連年登第

瑶草寒不死移植滄江濱東風洒雨露會入天地作

池春子若洞庭葉隨波送逐臣思歸未可得書此謝

情人江淹詩瑶草正翕翹李善註瑶草玉芝也琦按  
詩家用瑶草謂珍異之草耳未必專指玉芝而

言楚辭洞庭  
波兮木葉下

### 江夏送張丞

欲別心不忍臨行情更親酒傾無限月客醉幾重春

藉草依流水攀花贈遠人送君從此去迴首泣迷津

孫綽天台山賦藉萋萋之纖草  
李善註以草薦地而坐曰藉

賦得白鷺鷥送宋少府入三峽三峽詳見  
八卷註

白鷺拳一足月明秋水寒人驚遠飛去直向使君灘

水經註江水東經羊腸虎臂灘楊亮為益州刺史至

此舟覆懲其波澗蜀人至今猶名之為使君灘太平

寰宇記使君灘在葛州東二里大江中昔楊亮赴任

益州行船至此覆沒故名一統志使君灘在荊州夷

陵州西一  
百十里

### 送二季之江東

初發強中作題詩與惠連多慚一日長不及二龍賢

西塞當中路南風欲進船雲峰出遠海帆影挂清川

禹穴藏書地匡山種杏田此行俱有適遲爾早歸旋

謝靈運有登臨海嶠初發強中與從弟惠連詩劉履

曰強中地名今嶧山下有強口疑卽此也世說謝子

微見許子將兄弟曰平輿之淵有二龍焉楊齊賢曰

西塞山在鄂州陸放翁入蜀記晚過道士矧石壁數

百尺色正青了無竅穴而竹樹逆根交絡其上蒼翠可愛自過小孤臨江峰嶂無出其右磯一名西塞山即京真子漁父辭所謂西塞山前白鷺飛者李太白送弟之江東云西塞當中路南風欲進船必在荆楚作故有中路之句張文潛云危磯插江生石壁劈青玉殆為此山寫真又云已逢嫵媚散花峽不怕艱危道士磯蓋江行推馬當及西塞最為湍險難上謝靈運詩滅跡入雲峰太平御覽九土文括畧曰會稽山有一石穴委曲黃帝藏書於此禹得之施宿會稽志陽明洞天在會稽縣宛委山龍瑞宮舊經云三十六洞天之一洞也洞外飛來石下為禹穴傳云禹藏書處一云禹得玉賈金書於此薛方山浙江通志宛委山上有石匱壁立中有孔穴號陽明洞即舊經所謂三十六洞天之一洞也夏禹發之得赤珪如日碧珪如月又於中得金簡玉字之書悟百川之理賀知章纂山記曰黃帝號委宛穴為赤帝陽明之府於此藏書大禹始於此穴得書復於此穴藏之人因謂之禹穴匡山即廬山也廬山記匡續結廬於山故號匡廬山神仙傳董奉還豫章廬山下居不種田日為人治病亦不取錢重病愈者使栽杏五株輕者一株

如此數年計得十餘萬株鬱鬱成林乃使山中百禽群獸游戲其下卒不生草常如芸治杏子熟於林中作一草倉示人曰欲買杏者不須報奉但將穀一器置倉中即自往取一器杏去常有人置穀少而取杏多者林中群虎出吼逐之大怖急挈杏走路旁傾覆至家量杏一如穀多少或有人偷杏者虎逐之到家嚙至死家人知其偷杏乃送還奉叩頭謝過乃却使活韻會遲待也謝靈運有南樓中望所遲客詩云臨江遲來客是也詩小雅言旋言歸復我邦族謝靈運詩三載期歸旋。遲音治

江西送友人之羅浮

藝文類聚羅浮山記曰羅浮者蓋總稱羅山也浮

浮山也二山合體謂之羅浮在增城博羅二縣之境舊說羅浮高三千丈有七十二石室七十

二長溪神明神禽玉樹朱草

桂水分五嶺衡山朝九疑鄉關眇安西流浪將何之  
素色愁明湖秋渚晦寒姿疇昔紫芳意已過黃髮期

君王縱疎散雲壑借巢夷爾去之羅浮我還憩峨眉  
中闊道萬里霞月遙相思如尋楚狂子瓊樹有芳枝  
通典桂州臨桂縣有離水一名桂江水源多桂不生  
雜樹漢書南有五嶺之戍顏師古註西自衡山之南  
東窮於海一山之限耳而別標名則有五焉裴氏廣  
州記曰大庾始安臨賀桂陽揭陽是為五嶺鄧德明  
南康記曰大庾嶺一也桂陽騎田嶺二也九真都龐  
嶺三也臨賀萌渚嶺四也始安越成嶺五也戴凱之  
竹譜五嶺之說互有異同余往交州行路所見兼訪  
舊老考諸古志則今南康始安臨賀為北嶺臨漳寧  
浦為南嶺五都界內各有一嶺以隔南北之水俱通  
南越之地南康臨賀始安三郡通廣州寧浦臨漳二  
郡在廣州西南通交州或趙佗所通或馬援所併厥  
跡在焉故陸機請伐鼓五嶺表道九真也徐廣雜記  
以剡松陽建安康樂為五嶺其謬遠矣俞益期與韓  
康伯以晉興所統南移大營九岡為五嶺之數又其  
謬也初學記南岳衡山朱陵之靈臺太虛之寶洞上  
承冥宿銓德鈞物故名衡山下踞離宮攝位火鄉赤

帝館其嶺祝融託其陽故號南岳周旋數百里高四  
千一十丈東南臨湘川自湘川至長沙七百里九向  
九背然後不見元和郡縣志九疑山在道州延唐縣  
東南一百里九山相似行者疑惑故名楊齊賢曰唐  
安西大都護府初治西州後徙治高昌故地又徙治  
龜茲而故府復為西州交河郡瑯琊按文義安西字疑  
訛指為隴右道安西大都護府者恐未是陶潛祭從  
弟文流浪無成懼負素志疇昔昔日也已見前註江  
淹詩終覲紫芳心李善註紫芳芝也爾雅黃髮壽  
也郭璞註黃髮髮落更生黃者邢昺疏舍人曰黃髮  
老人髮白更黃也曹植詩王其愛玉體俱享黃髮期  
張銑註黃髮期謂壽考也北山移文誘我松桂欺我  
雲壑通典嘉州峨眉縣有峨眉山列仙傳陸通者云  
楚狂接輿也好養生食素廬水實及燕菁子游諸名  
山在蜀峨眉山上世世  
見之歷數百年仙去

宣州謝朓樓餞別校書叔雲

志疊嶂樓在寧國府郡治後即謝朓為宣城太守時之高齋地一名北樓亦稱謝公樓唐咸通

間刺史獨孤霖  
改建易今名

棄我去者昨日之日不可留亂我心者今日之日多

煩憂長風萬里送秋雁對此可以酣高樓蓬萊文章

建安骨中間小謝又清發俱懷逸興壯思飛欲上青

天一作覽明月抽刀斷水水更流舉杯消愁愁

更一作愁人生一作男兒在世不稱意明朝散髮弄扁舟

一作舉棹還滄洲。陸機詩長風萬里舉慶雲鬱嗟

一後漢書竇章傳是時學者稱東觀為老氏藏室道

家蓬萊山章懷太子註言東觀經籍多也蓬萊海中

神山為仙府幽經秘錄並皆在焉東漢建安之末有

孔融王粲陳琳徐幹劉楨應瑒阮瑤及曹氏父子所

作之詩世謂之建安體風骨迥上最饒古氣鍾磔詩

品論謝惠連云小謝才思富捷恨其蘭玉夙凋故長

纒未騁盧思道盧記室誅麗詞泉湧壯思雲飛散髮

科頭也扁舟特舟  
也俱見二卷註

宣城送劉副使入秦

按唐書百官志節度使之  
下有副使一人同節度副

使十人又安撫使觀察使團練  
使防禦使之下皆有副使一人

君即劉越石雄豪冠當時凄清橫吹曲慷慨扶風詞

虎嘯俟騰躍雞鳴遭亂離千金市駿馬萬里逐王師

結交樓煩將侍從羽林兒統兵捍吳越豺虎不敢窺

大勳竟莫敘已過秋風吹秉鉞有季公凜然負英姿

寄深且戎幕望重必台司感激一然諾縱橫兩無疑

伏奏歸北闕鳴騶忽西馳列將咸出祖英寮惜分離

斗酒滿四筵歌笑宛溪湄君携東山妓我咏北門詩

貴賤交不易恐傷中國葵昔贈紫駟駒今傾白玉卮

同驩萬斛酒未足解相思此別又一作外別千里秦吳眇

天涯月明關山苦水劇隴頭悲借問幾時還春風入

黃池無令長相思折斷綠楊枝晉書劉琨字越石少

祖納俱以雄豪著名在晉陽嘗為胡騎所圍數重城中窘迫無計琨乃乘月登樓清嘯賊聞之皆凄然長

嘆中夜奏胡笳賊又流涕歔歔有懷土之切向曉復

吹之賊並棄圍而走劉琨越石有扶風歌朝發廣莫門

暮宿丹水山左手彎繁若右手揮龍淵云云凡九首

其橫吹曲今逸不存或指吹胡笳而言恐未的張衡

思哀賦趁踰騰躍絕世俗世說註晉陽秋曰祖逖與

劉琨俱以雄豪著名年二十四與琨同辟司州主簿

情好綢繆共被而寢中夜聞雞鳴俱起曰此非惡聲

也史記所將卒斬樓煩將五人李奇曰樓煩縣名其人善騎射故以名射士為樓煩取其美稱未必樓煩

人也張晏曰樓煩胡國名漢書羽林掌送從武帝太

初元年置名曰建章營騎後更名羽林騎費昶詩家

本樓煩俗名募羽林兒上元中宋州刺史劉展舉兵

反其黨張景超孫待封攻陷湖進逼杭州為温晁

李藏用所敗見後二十八卷註劉副使於時亦在兵

間而功不得錄故有統兵捍吳越豺虎不敢窺大動

秉鉞出關凝威江甸季公謂季廣琛舊唐書上元二

年正月温州刺史季廣琛為宣州刺史充浙江西道

節度使十六國春秋英姿邁古藝業超時戎幕節度

使之幕府羊祜讓開府表失聞詔拔臣使同台司

註台司三公也漢書貫高此固趙國立名義不侵為

然諾者也北闕是上書奏事之徒所詣者見十三卷

註北史鳴騶清路盛列羽儀章懷太子後漢書註騶

騎士也詩大雅韓侯出祖出宿於屠江南通志宛溪

在寧國府城東世說謝安在東山畜妓毛萇詩傳北

門刺仕不得志也言衛之忠臣不得其志耳古詩採

葵莫傷根傷根葵不生結交莫羞貧羞貧交不成漢

書高帝紀上奉玉卮為太上皇壽應劭曰卮飲酒禮

器也古以角作受四升晉灼曰音支顏師古曰卮飲

酒圓器也韓非子今有白玉之卮而無當庾信蕩子

賦關山惟月明郭仲產秦川記隴山東西百八十里  
登山嶺東望秦川四百五里極目岷然山東人行役  
至此而顧瞻者莫不悲思故歌曰隴頭流水分離四  
下念我行役飄然曠野登高望遠涕零雙墮劉三省  
通鑑註宣州當塗縣有黃池鎮一統志黃池河在太  
平府城南六十里東接固城河西接蕪湖縣河入大  
江南至黃池鎮北至宣城縣界江南通志黃池河在  
池州當塗縣南七十里寧國府城北一百二十里一  
名玉溪郡東南之水皆聚此出大  
江河心分界南屬宣城城北屬當塗

涇川送族弟錚

太白自註時盧校書  
草序常侍御為詩

涇川三百里若耶羞見之錦石照碧山兩邊白鷺鷥  
佳境千萬曲客行無歇時上有琴高水下有陵陽祠  
仙人不見我明月空相知問我何事來盧敖結幽期  
蓬山振雄筆繡服揮清詞江湖發秀色草木含榮滋

置酒送惠連吾家稱白眉媿無海嶠作敢闕河梁詩

見爾復幾朝俄然告將離中流漾綵鷁列岸叢金羈

嘆息蒼梧鳳分棲瓊樹枝清晨各飛去飄落天南垂

望極落日盡秋深暝猿悲寄情與流水但有長相思

涇川即涇溪也在涇縣西南一里唐時隸宣城郡源  
出石埭流經南陵宣城踰蕪湖入大江通典宣州涇  
縣有涇水越州會稽縣有若耶溪江南通志琴溪在  
寧國府涇縣源出自寧國諸山與溪頭水合西過琴  
高山下乃名琴溪傳是仙人琴高控鯉之地一統志  
望仙亭在陵陽山中峰之半相傳漢寶子明昇仙之  
地有唐天寶間所建仙壇宮陵陽祠即仙壇宮也盧  
敖詳見十四卷註學者稱東觀為道家蓬萊山見前  
二首註綉衣御史見十一卷註蓬山振雄筆謂  
盧校書草敘也繡服揮清詞謂常侍御作詩也馬氏  
五常白眉最良見十六卷註謝靈運有登臨海嶠與  
從弟惠連詩與子別山阿含酸赴修吟中流袂就判

欲去情不忍李陵與蘇武詩攜手河梁上遊子暮何  
 之劉良註河梁橋也魏書中山王熙之鎮鄴也知友  
 才學之士袁翻李琰李神僕王誦兄弟裴敬憲等咸  
 饒於河梁賦詩告別吳均詩有客告將離贈言重蘭  
 蕙子虛賦浮文鶴張揖註鶴水鳥也畫其像於船首  
 宋之問太平公主山池賦文虹橋今彩鷁舟陸機雲  
 賦翼靈鳳於蒼梧起滯龍於潢  
 汗瓊樹枝見二卷註垂邊也

五松山送殷淑

楊齊賢曰五松山在宣州南陵

秀色發江左風流奈若何仲文了不還獨立揚清波  
 載酒五松山頽然白雲歌中天度落月萬里遙相過  
 撫酒惜此月流光畏蹉跎明日別離去連峰鬱嵯峨

江左江南也詳見十二卷註晉書殷仲文南蠻校尉顛之弟也少有才藻美容貌

送崔氏昆季之金陵

一作秋夜崔八文水亭送崔二

放一作吳歌倚東樓行子期曉發秋風渡江來吹落山

上月主人出美酒滅燭延清光二崔向金陵安得不

盡觴水客弄歸棹雲帆卷輕霜扁舟敬亭下五兩先

飄揚峽石入水花碧流日更長思君無歲月西笑阻

河梁劉鑠詩羅帳延秋月呂向註延引也馬融廣成頌張雲帆旒蜺瞻孟康漢書註扁舟特舟也唐

書地理志宣州宣城縣有敬亭山郭璞江賦規五兩之動靜韻會統船上海候風羽楚人謂之五兩

登黃山凌歊臺送族弟溧陽尉濟充

一作統

汎舟赴華陰

一本下有得齊字三字。楊齊賢曰太白自註時在當塗即今之太

平也黃山在城北北凌歊臺在其上太平府志黃山在郡治北五里高四十丈山如初月形舊傳浮邱公牧雞於此亦名浮邱山上有宋孝武避暑離宮及凌歊臺遺址陸放翁入蜀記凌歊臺

正如鳳凰臺之類特因山巔為之宋高祖所營而勢虛曠高出氛埃之表南望青山龍山九井諸峰如在几席稍西江中二小山相對云東梁西梁也北戶臨和州新城樓櫓歷歷可辨蓋自絕江至和州財十餘里溧陽宣州縣名隸江南東道華陰郡名即華州隸關內道。啟音巖

鸞乃鳳之族翺翔紫雲霓文章輝五色一作耀雙在

瓊樹棲一朝各飛去鳳與鸞俱啼炎赫五月中朱曦

爍河堤爾從汎舟役使我心魂悽秦地無草木南雲

喧鼓聲君王減玉膳早起思鳴雞當是民漕引救闕

輔疲人免塗泥宰相作霖雨農夫得耕犁靜者伏草

間群才滿金闈空手許本無壯士窮居使人低送君

登黃山長嘯倚上一作天梯小舟若鳧雁大舟若鯨鯢

開帆散長風舒卷與雲齊日入牛渚晦蒼然夕烟迷

相思在何許一作在何所杳在洛陽西張華禽經註

亞始生類鳳久則五彩變易高誘淮南子註翺翔鳥

之高飛翼上下曰翺五刺不動曰翔瓊樹鳳所棲食

之樹見二卷古詩第四十首註中郭璞詩朱義將由

白李善註朱義日也左傳秦於是輸粟於晉自雍及

絳相繼命之曰汎舟之役舊唐書天寶六載自五月

不雨至秋七月乙酉以旱命宰相臺寺府縣錄繫囚

死罪決杖配流徒以下特免庚寅始雨九載三月時

京師之旱見於史者有二未詳此詩作於何年後漢

書其旱也公卿官長以次行雩禮求雨反拘朱索社

伐朱鼓春秋繁露求雨開神農求雨書祈而不雨則積薪擊

而燔之文章正宗神農求雨書祈而不雨則積薪擊

鼓而焚神文章懷太子後漢書注漕水運也鮑照詩

家世宅闕輔李善註關中也漢書曰右扶風左馮

翊京兆尹是為三輔潘岳西征賦收疲人於西夏書

說命若歲大旱用汝作霖雨江淹別賦金闈之諸彦



李太白文集 卷一  
李善註金閨金馬門也王逸九思緣天梯兮北上登  
太乙兮玉臺宜都記俯臨大江如縈帶焉視舟如息  
雁矣通典宣州當塗縣有牛渚圻亦謂之采  
石險固可守處楊齊賢曰華陰在洛陽之西

送儲邕之武昌

武昌縣鄂州之屬  
縣也隸江南西道

黃鶴西樓月長江萬里情春風三十度空憶武昌城

送爾難為別街杯惜未傾湖連張樂地山逐汎舟行

諾謂楚人重詩傳謝朓清滄浪吾有曲寄入棹歌聲

潛確居類書黃鶴山在武昌府城西南俗呼蛇山一  
名黃鵠山昔仙人王子安騎黃鶴憩此地志云黃鶴  
山蛇行而西吸於江其首隆然黃鶴樓枕焉其下卽  
黃鶴磯莊子帝張咸池之樂於洞庭之野謝朓詩洞  
庭張樂地瀟湘帝子游史記楚人諺曰得黃金百斤  
不如得季布一諾南齊書謝朓善草隸長五言詩沈  
約常云二百年來無此詩  
也西京賦齊棹女縱棹歌

李太白文集卷十八

今乙卯年春... 石... 送... 黃... 送... 諸... 名... 山... 黃... 不... 約... 上...

